

初學集
上



02283

牧齋初學集卷第十三

錢後人錢

會

錢王箋註

茗南

東海朱梅

朗巖分校

試拈詩集上

起十一年戊寅正月盡七月

獄漸解頌繫待放五月二十四日以火災肆赦遂得
出東坡蒙恩責授詩云却對酒盃渾是夢試拈詩筆
已如神故以試拈名集聊用志喜

戊寅元日偶讀史記戲書紙尾

夢迴旭日射窗明遷史才繙午箭更笑殺蕭何與周

初學集詩註

卷第十三

勃可將獄吏換公卿

午箭

唐詩紀事褚亮和詠日午詩
驥車日停午浮箭未移時

牘背千金獄始明吹簫織簿可憐生北軍左袒倉皇
日七尺爭如冑絮輕

牘背千金

史記周勃世家人有上書告勃欲反下
廷尉勃以千金與獄吏書牘背示之曰

以公主為證太后亦以為言至
以冑絮提文帝於是赦絳侯
勃以織簿曲為生常為人吹簫給喪事索隱曰織
蠶簿為生業噴曰吹簫以樂喪客若樂人也

絳侯繫急漫嗟吁又見工官坐亞夫父子將兵俱百

萬敢從獄吏鼓隴胡

工官

史記周勃世家條侯子為父買工官尚方甲
楯五百破可以喪者取庸苦之不與錢庸知



其盜買縣官器怒而上後漢書五行志桓鼓隴胡帝初童謠請為諸

君鼓隴胡鼓隴者不敢訟言私烟語

漢家爭道孝文明左右臨朝問亦輕絳灌但知讒賈

誼可思流汗愧陳平

左右臨朝史記孝文紀元年十月右丞相平徒為

為太讒賈誼漢書傳于是天子議以誼任公卿之

毀流汗漢書王陵傳上益明習國家事朝而問右

問天下錢穀一歲出入幾何勃又謝不知汗出浹背愧不能對上亦問左丞相平平曰有主者

秦時刀筆漢三章械繫歸來兩鬢霜聞道青門方會

客種瓜五色曜朝陽

初學集詩註 卷第十三

南鄰有客醉呼盧笑指圓徑作酒壚愧我不如曹相

國後園張飲應歌呼

、華山廟碑歌題華州郭睂伯所藏西嶽華山廟

碑

關中汲古有二士郭髯趙嶠俱嗟峨趙嶠字子衡

者石墨伊余南冠繫請室攤書晝臥如中魔郭生示

我華山碑欲比七發捐沉疴展碑撫卷忽起坐再三

嘆息仍摩挲桓靈之際文頗盛六經刻石正繆譌開

陽門外講堂車輞觀寫肩相摩鴻都學生競蟲鳥

宣陵孝子羣鸛鵝石渠白虎事已遠皇義篇成世則

塾字疑是塾字

前漢地理志方扶風有
塾屋縣今屬陝西
安府正字通尚曰塾
水曲曰屋用以名地

那此碑傳自延熹載石經未立先鐫磨丈人行可廻

秦相一飯禮本先光和郭香香察未遑辨洪适云東漢循王莽

之禁人無二名郭香察書者察漚他人但見濃點兼

之書爾小歐陽以為郭香察所書非也纖波鋒刃屈折陷鐵石嶄巖高下連巖嶮古來書佐

擅筆妙後代學士徒口吐久嗟乃跌毀鼻貞却喜紙

本纏蛟蛇墨莊舊物落髯手如出周鼎獲晉犧身領

僮奴雜裝治手與心眼爭煩揆靈偃湘帙巧純綠史

明牙籤細刮碰惠靈偃史明郭氏僮也收藏定可厭鄴架鑒賞

况復窮虞戈我昔遣祭入太學肅拜石鼓拂白科依

稀二百七十字維鱗貫柳存無多晴窻歸撫古則卷

初學集詩註 卷第十三

家藏石鼓文按節自誦昌黎歌去年登岱訪古蹟開

是趨古則本元八分半鬻舊俗書刊落許公頌爛班漫漶餘蝸蝓

風霜兵火恣殘蝕此本疑有神護訶聖世文章就燬

熄珠囊儒雅失網羅舞書不顧經若典破體豈論隸

與螭兔園邨老議軒韻乳臭兒子評邱軻躡駮指日

還見斗鬻凌祀海寧先河少小亦思畧識字沉淪俗

學悲喞喞况聞中原戰羣盜盜竊名字紛么廋搜金

剔玉殫屋壁崩崖焚闕傾山河汲冢書門徧烽燧所

年响嘯難經過每憐耆舊委榛莽誰集金石凌坡陁

郭髯連蹇趙嶮死老夫頭白空唵哦還碑梯几意倘

悅髯乎髯乎奈爾何

汲古 昌黎秋懷詩歸愚識 中魔 段柯古續西陽雜俎有書生住鄧州

嘗遊郡南數月不返其家請卜者曰甚

至矣果半年書生歸云遊某山深洞入值物蠶如

中疾四肢不能動昏昏若半醉見一物自明入穴

巨龜也一息頃方去書生酌其時日其家卜吉時

焉開陽門 後漢書光武紀注陸機洛陽記曰太學

十丈廣鴻都學生 後漢書文帝紀始置鴻都門學

三才 學府其中諸生皆勅州郡三公舉召能為尺

廣辭賦及工書鳥篆者相課試至于人焉 宣陵

孝子 後漢書蔡邕傳初帝好則那昌黎石鼓歌繼周

篇 後漢書蔡邕傳初帝好則那昌黎石鼓歌繼周

初學集詩註

卷第十三

四

収拾理濃點纖波 韋續墨薮隸勢曰修短相副異

則那 張那基墨莊漫錄序子惟喜藏書

點纖波錯 張那基墨莊漫錄序子惟喜藏書

落其間 隨所寓榜曰墨莊紋題其首日墨

莊漫 南史劉杳傳古者樽彝皆刻木為鳥獸

錄 齊大夫子尾送女器有犧樽作犧牛形音永嘉中

齊大 賦曹邕于青州發齊景家又得二樽形亦為牛象

賊曹 二處皆古之遺虞戈翰墨常病戈法難精乃作

二處 器知非虛也 虞戈 翰墨常病戈法難精乃作

字空 世南似盡其法鄭公曰天筆所臨非臣下可擬然

唯破 字之法乃逼真太宗驚石鼓王厚之石鼓文

字刻 為宜王鼓韋應物以為文王鼓宣王刻自歐陽集

忝音義同承
豎音醫石豎文汗豎河
邪註豎語助也

人從軍在右輔為維鯁貫柳石鼓歌我車既攻我

我量度插曰科馬既同其魚維鯁言

貫之珠囊孔穎達易經正義詩秦人金鏡舞書韓

柳未墜斯文漢理珠囊重興儒雅非

徐馮于周塗焚其書而行見破體李商隱韓碑詩

紙啁啾丁杜集韻啁啾汲冢晉書束皙傳太康二

魏襄王墓或云安釐王家得竹書數十車凡七十

五篇七篇簡書折壞不識各題漆書皆明蚪字多

虛簡斷札文既殘缺不復詮次武帝以其書付秘

書校綴次第尋考指歸而以今文寫之皆在著作

分釋皆有義證書門水經注嶧山北有絕岩秦始皇

命李斯以大篆勒祈年棘坡詛楚文詩嶧山之上

路山嶺各曰書門寺髣髴祈年觀舊築掃成

守便廳秦穆公葬于雍臺泉祈年觀下今墓在開

王遷于蜀至雍道病卒則雍非長安此乃古雍也

初學集詩註 卷第十三

五

响嶮昌黎响嶮山詩响嶮山尖神禹碑字青石赤

松談閣印史歌為郭盾伯作

六書繆篆用摹刻大者符璽細印章崩崖古隧取次

出鏤金珠玉爭弄藏關中郭髯最好古十年搜討盈

篋箱部居州亂作譜牒編次細帙盛縹囊璀璨丹砂

照盡鳥錯互金碓堆琳瑯攷正職官本二史貫穿訓

故窮凡將竊取正用史家法豈玩小物塗朱黃憶昔

先朝席豐豫符瑞紛沓徵禎祥河清鳳見屢奏賀玉

璽又報來臨漳先帝親御文華門制詔臣下風四方

千官鶴列瞻負展衝牙雙瑀聲鏗鏘中官屹立當御

座插冠貂尾加金璫。紫泥封圻青囊解。金銀賸組開
輝煌。臨軒手持四寸璽。俯示陞城周兩旁。槃龍紐螭
弄掌握。衫袖照燭回虹光。侍臣代奉傳國寶。殿中不
用尚玉卽。鴻臚傳制百僚賀。文曰受命壽永昌。朝罷
君臣咸燕喜。南面竝進南山觴。豈知瑞應不虛見。中
興天以授我皇。郭君此書精且良。曷不首勒玉璽圖。
訪問禮官摹尚方。如服有冕網有綱。蠅頭細字注幾
行。吾詩附璽垂久長。命曰印史非誇張。春秋之義微
而彰。

繆篆

漢書藝文志六體者古文奇字篆書隸書繆篆。盛書師古曰繆篆謂其文屈曲纏繞所以

初學集詩註

卷第十三

六

摹印

漢書陳遵傳皆藏弄以爲榮師古

金薤

章也

漢書陳遵傳皆藏弄以爲榮師古

千萬篇

張籍詩平生凡將馬相如作凡將爲無復

字

天啓元年辛酉白河南至陝西界黃

有大鳥

高七尺羽翼陸離集于開封府禹州大

隄山

羣鳥千萬旋遠左右至十二日始飛去人皆

指爲

玉璽天啓四年九月初四日玉璽出于彰德

鳳凰

上疏曰秦璽之不足徵久矣今璽之出適在

臣疆

內道路諠譟流聞禁圍欲遣官恭進跡涉獻

媚昔

王孫圉不寶白珩楚王不寶照乘鐘夷偏霸

猶知

尊賢樂善照曜史册凡于明聖之主乎今之

大臣

如總憲鄒元標馮從吾尚書王紀盛以弘孫

慎行

侍節曹國沐等憂國奉公白首着艾又有一

斥不

還之詞林久餽不起之臺諫息皇多士國之

實臣

臣不能挽回天聽致政明庭徒獻符貢璽效

七十二

代之故事臣竊羞之時逆奄方侈言符命

勸令

進璽要上親御文華門刺詔受賀璽貯御前

逆奄手捧之負展而立。頌示羣僚，指揮上下。無復人臣之度。御史黃尊素執奏曰：宋哲宗得璽，蔡確等言祥瑞，改年元符。其後朋黨，頌興宋祚，不永。弘治十三年，陝西進玉璽，止命取進。祖宗成例，當法不應踵襲。宋事鄭黃二公之奏，據經守正。良有肯也。公此詩詳書其事。一則曰：此當御床。再則曰：臨軒手持顯著逆奄之無君也。此輩之進，既稱為傳國寶，則尚玉有人。頌示有制，今為侍臣代奉。顯示斗柄在手，非借竊而何。繼以文曰：受命永昌之句，即取其文斷之。謔以傳謔，公意有所深譏焉。以見禎祥之不足恃也。石晉入洛，清泰自焚，摘星一炬，秦璽等于秦灰，咸陽義之獻久為識者所鄙。解縉謂傳國寶焚燬已久，屢求屢得，真偽莫明。先臣卓識如此。公詩義嚴詞正，即璽一端，詳著逆奄不臣，以為昭鑒。殆猶衝牙。善曰：禮記凡帶必有佩玉，有衝牙居中央，以前青囊。崔豹古今注：青囊所以後觸也。錘鎗玉聲也。盛印也。奏劾者則以布囊盛印于前，示奉王法而行也。非奏劾者則以青緡為囊，盛印于後也。謂劾尚質直，故用布。非奏

初學集詩註

卷第十三

七

人日

劾者尚文明，故用繪。自晉朝以來，劾奏之官專以印居前，非劾奏之官專以印居後。

人日嗟何日，題詩憶艸堂。容顏獄吏惜，時序老夫傷。好事如花少，愁心並柳長。不知分勝侶，若箇話蕭郎。若上吳子德輿次東坡獄中寄子由韻作丁丑

紀聞詩六首，蓋悲余之逮繫而喜其獄之漸解也。感而和之，亦如其前後之次。

銀鑰影裏見殘春，悵恨登朝未殺身。禍遘隱章知漢法，行逢贈策感秦人。途窮漫浪謠山鬼，獄急倉皇禮嶽神。金馬多生餘諍論，欲臨流水證前因。

金馬

公曾夢前生為金馬道人與尊
者說法以評論故應受業報

臨水

五燈會
元善慧

大士遇天竺僧嵩頭陀曰我與汝毗婆尸佛前發
誓今兜率宮衣鉢見在何日當還因命臨水觀影

寶蓋

見圓光

酷日酸風竝慘悽。路長人極馬頭低。孤身豈合投豺
虎。三物何當詛犬雞。婉孌更無臨市妾。顛狂猶有送
行妻。蒼芒汶泗交流地。薄暮祇疑湘沅西。

隕霜猶自望回春。斗極誰收趙壹身。已分殘生餘有
幾。更將窮命乞何人。市朝到處逢魑魅。狂狷中間仗
鬼神。不信古來鉤黨事。刑章錄牒正相因。

斗極

後漢書趙壹傳壹恃才倨傲為鄉黨所擯後
屢抵罪幾至死友人救得免壹貽書謝曰收

初學集詩註

卷第十三

八

之于斗極還
之于司命

八寒陰獄夏淒淒。破壁殘燈白首低。一夜霜天愁淚
鶴。五更風雨悔鳴雞。捐生聶政今無母。先死王章尚
有妻。准擬圖形屈原廟。墓門何用刻征西。

圖形

後漢書延壽傳壽遭黨事禁錮卒
于家鄉里圖其形于屈原之廟

刀頭劍首度冬春。欲殺何當有百身。信到憐君猶作
客。詩成知我尚為人。經緡北斗禳妖祿。歌闕南薰禮
獄神。如此纍臣無不可。經年頌繫亦何因。

餘年吟賞莫淒淒。水閣玲瓏欄戶低。茅屋每棲春社
燕。山邨嘗報午時雞。蓬頭豈必慙兒子。染髮祇應媚

小妻歸去臨風謝知己扁舟應在五湖西

蓬頭

後漢書王霸妻傳霸子見令狐子沮怍不能仰視霸曰之有愧容妻問其故曰兒曹蓬髮歷齒未知禮則見容而有慙色不覺自失耳妻曰子伯之貴孰與君之高霸起而笑

、傲元微之何處生春早二十首

何處生春早春生美目中凝愁成淥水流笑與光風

微眇防眉覺會波託鏡通不堪朱碧思合睇向芳叢

會波

宋玉招魂焮光眇視日會波些王逸曰波華也目采眇然黑白分明若水波而重華也

朱碧思

玉臺集王僧孺夜愁詩誰知心眼亂看朱忽成碧樂府則天如意娘曲看朱成碧思紛紛憔悴支離為憶君不信比來長下淚開箱驗取石榴裙

初學集詩註

卷第十三

九

何處生春早春生巧笑中開顏鶯覩曉失喜柳惺忪

蕙葉分多碧桃花破小紅如臯君肯御翳雉候薰風

何處生春早春生眉黛中笑能舒柳簇顰欲瑣蘭叢

秀色描偏淺愁痕掃不空劇憐粧鏡畔便面又東風

何處生春早春生鬢髮中柳眠全約畧花妥半鬢鬢

髮重和雲櫛梳輕向月攏更衣恩寵在搔首恨飛蓬

少陵重過何氏詩花更衣漢武故事上行幸起更衣子夫因侍得幸頭解覺其美髮悅之主遂

納子夫于宮

何處生春早春生靨輔中含嬌頰送態薄怒乍舒紅

賦理停蘭澤流光轉蕙風施朱與著粉評泊任墻東

靨輔楚辭大招靨輔奇牙宜笑嗎評泊韓偓遙見

東遙見後令人
許泊畫楊妃

何處生春早春生好口中含桃欺齒白編貝逗唇紅

房露清歌引幽蘭絮語通晝長頻咳嚏錯莫喚雕籠

房露謝希逸月賦徘徊房露李善曰防露蓋古曲也文賦曰寤防露與桑間房與防古字通

何處生春早春生皓腕中含情向機杼抱影守去房

欏峭倩寒蔥削溫柔稚筍籠自憐工織素織指詠流

風

削蔥玉臺集焦仲卿妻詩指如削蔥根口如含朱丹籠筍韓偓香奩集詠手詩腕白膚紅

玉筍世說文學篇袁彥伯作北征賦玉珣詠流風云恨少一句得寫字足韻當佳袁卽

初學集詩註 卷第十三

十

覽筆益云感不絕于余余心訴流風而獨寫

何處生春早春生素足中烏交曾滅燭屣跼不禁風

草惹裙腰綠蓮移屣齒紅刀頭嗟未見新月似鞋弓

烏交史記滑稽傳淳于髡曰履烏交錯杯履跼史記

貨殖傳女子則鼓鳴琴跼屣徐廣曰跼音跼程大昌演繁露地里志趙地倡優女子彈絃跼跼游媚

富貴者注躡跟為跼指為躡師古曰屣謂小履之無跟者也跼謂輕躡之也今人夏月以生帛為屣

其前稍隆起腦當胸跟裙腰樂天杭州春望詩屣處正低卽師古所指也裙腰草綠裙腰一道斜屣

齒韓偓香奩集屣子詩六寸膚圓貌緻緻自羅繡屣屣紅托裏南朝天子欠風流却重金蓮輕綠齒

新月道山新聞李後主令官嬪宥娘以帛繞脚令纖小屣上作新月狀由是皆效之以纖弓為

妙

何處生春早春生睡起中蘭心方的的柳眼正濛濛
魂弱渾難定身蘇旋欲融不如還昵枕殘夢在房櫳
身蘇元微之離思詩一 昵枕謝靈運雪賦願低幃
也 朵紅蘇旋欲融 以昵枕李善曰昵近

何處生春早春生新浴中烟凝腰柳碧雨注靨桃紅

脂澤流香煖鉛華濺水融竊窺猶未得况復與君同

流香

王子年拾遺記漢靈帝宮人年二七已上三六已下皆艷裝解其上衣惟著內服或共裸浴西域所獻首暉香煮以爲湯宮人以竊窺燕外

之浴浣使以餘汁入渠名曰流香渠
傳昭儀夜入浴蘭室帝從幃中竊視之侍兒以白
昭儀覽巾使徹燭他日帝約賜侍兒黃金使無得
言

初學集詩註 卷第十三

十一

何處生春早春生翠袖中憑闌寒食雨却扇杏花風

掩抑縈飛絮低迴數落紅遠山看未足延佇盡廊東

何處生春早春生羅帶中輕塵看出水促步想當風

錯互袿襖飾禁持袷服紅薄裝誰解得雜珮正叢叢

出水

曹子建洛神賦凌當風三輔黃圖帝與趙飛燕戲于太液池每輕

風時至飛燕殆欲隨風入水帝以翠樓結飛燕之裙今太液池尚有避風臺即飛燕結裙之處湯屋

畫鑑曹弗與作人物衣紋波皺 袿襖劉熙釋各婦

畫家謂曹衣出水吳帶當風 袿服左傳宣公九

袿詩國風東山章親結其禕毛 袿服年陳靈公與

孔寧儀行甫通于夏姬皆衷其袿 薄裝宋玉神女

服從薄裝李善曰 賦序嬌被

嬌解也從脫也

何處生春早春生窮袴中明燈知護惜閨夢記惺惚

密意縈多帶驚魂託守宮殷勤問啼鳥花信幾枝紅

窮袴

漢書外戚傳宮人使令皆為窮袴多其帶服

虞曰窮袴有前後當不得交通也師古曰即今之縷

護惜楊氏六帖古樂府護惜花信陶九成

輟耕錄黃帝內經女子二七而天癸至月事以時下史記

濟北王侍者韓女病月事不下又程姬有所避不願進天子諸侯羣妾以次進御更不知入月

丹注面的為識王建宮詞密奏君王知入月

何處生春早春生錦被中芳香留半臂蘭露泛重籠

一夜穠花發五更啼鳥空生憎唐畫史只為獨眠工

半臂魏泰東軒筆錄宋子京多內寵嘗宴于錦江

子京恐有厚薄之嫌竟不服忍冷而歸

初學集詩註

卷第十三

七

何處生春早春生寶鏡中黛眉分鬪翠花靨互呈紅

照罷愁相妬粧成訝許同巡簷聽鵲喜雲鬢欲新攏

何處生春早春生角枕中梢頭花簇簇拂鬢錦叢叢

面澤承權裏唇脂竝口融可如郎臂好轉側任西東

何處生春早春生刺繡中停鍼花竝發紉線鳥相蒙

密樹鋪重碧斜陽綠斷紅流黃慙久晦刀尺為誰工

流黃江文通別賦聊高臺之流黃李善曰環濟要畧曰間色有五緗紅縹紫流黃也

何處生春早春生簾幙中參差依蠟燭翠歷張輕風

鸚子能嗔妾楊花會惱公衫前復扇後間殺畫橋東

衫前扇後

陰鏗侯司空宅詠妓詩鶯啼歌扇後花落舞衫前

何處生春早春生小院中梨花能駐月蕙草欲沈風
拂水臨粧鏡香山薄綺櫳不愁桃杏盡堦藥又翻紅
何處生春早春生畫舫中花迎千嶂碧柳捲小橋紅
溪女憐新霽菱歌愛晚風西施舊明月偏照五湖東

書四靈詩集

語近意不遠骨灑髓亦枯誰云賈島佛終是郗家奴

賈島佛

王定保摭言李涪唐諸王孫也慕賈閬仙為詩鑄銅像其儀孫光憲北夢瑣言進士

又僻于島

周客齊東野語唐李洞苦吟有聲慕賈浪仙之詩遂鑄其像事之謂

郗家奴

世說品藻篇郗司空家有

儉奴知及文章事王右軍向劉尹稱之劉問何如方回王曰此正小人有意向耳何得便比方回劉

初學集詩註

卷第十三

三

日若不如方回故是常奴耳

戲書梅花集句

本朝沈行重號集各三百餘首

褐衣那得綴天吳折鐵精鏤共一爐要與梅花添火

伴差排何遜配林逋

天吳

少陵北征詩天吳與紫鳳顛倒在短褐

精鏤

爾雅釋器黃金謂之鏤其美者謂之

鏤白金謂之銀其美者謂之鏤郭璞曰此道金銀之別各及精者鏤即紫磨金

春夜讀漢書寄南海陳侍郎

殘書讀罷夜潭潭坐見辰星過劔函文帝自能分代

北賈生空復策淮南曲江羽扇何須歎東市朝衣更

不堪且學袁絲能日飲甯城瘴海共沈酣

劍函史記天官書免過太白間可滅劍索隱曰辰星謂之免星蘇林曰滅音函函容也其間可

容一羽扇新唐書張九齡傳九齡懼為林甫所危因帝賜以羽扇乃獻賦自况朝衣

漢書晁錯傳袁盎請斬錯錯殊不覺中尉召錯給載行市錯衣朝衣斬東市日飲漢書

傳盎為吳相辭行兄子種謂盎曰吳王驕日久國多姦君能日飲毋何時說王日毋反而已如此幸

得脫盎用種之計吳王厚遇盎

題王孟端雙松圖為稼軒

落落良身對儼然撐雲臥壑竝千年叢生荆棘何須

問却怕柔藤蔓草纏

上元後二日聞諸公貶謫之信偶作

黃金臺畔夕陽紅哀草叢殘郭隗宮應是上林春未

初學集詩註卷第十三

足蕭蕭落葉滿東風

諸公貶謫丁丑考遜上以訪冊概加圈獎罷尚書王業浩姜逢元十一年正月十七日吏

部奉旨七十圈以上傳元初張第元房之驥韓源

趙繼鼎馬兆義俱著冠帶閑住六十圈以上孫晉

林正亨王猷各降三級調用劉含輝楊鎮元葉初

春劉興秀奉朝薦金蘭葛樞郭九鼎凌義渠何楷

褚德培各降二級照黃金臺金臺在易州易縣東南三十里燕昭王所

舊置千金于上以招賢士又有西金臺俗呼此為東金臺又有小金臺石縣東南十五里即郭隗臺也

郭隗宮戰國策昭王為隗築宮而師之士爭奏燕無花無酒落燈天粥冷灰寒似禁烟我自中風人暴

送傅給事元初歸晉安

病口吐目眙枉相憐

客路桃花春水生。都門祖帳藹新晴。麝香袖染晨暉重。袞職身違午夢輕。青瑣洞門棲乳燕。碧梧高樹隱啼鶯。金臺折贈新楊柳。可似南中橘柚榮。

洞門

漢書董賢傳重殿洞門師古曰謂門門相當也少陵題省中院壁詩洞門對霽常陰陰

送劉宮諭若宰奉詔覲省

詔許詞臣覲北堂。桃花春水帶恩光。承歡每說天顏喜。愛日遙聽禁漏長。膝下錦袍供戲綵。手中色線補垂裳。六宮正茂瓊璫訓。早晚肩輿內殿旁。

瓊璫訓

後漢書皇后紀論居有保阿之訓動有環珮之聲列女傳齊孟姬曰妾聞妃后踰閭必乘安車繡駟下堂必從侍母保阿進退則鳴玉佩環

初學集詩註

卷第十三

五

贈夏童子端哥

雲間夏彛仲之子

端郎信不同。非我欲求蒙。背誦隨人誥。身書等厥躬。倒懷嘗論日。信口欲生風。燈盞調聲癖。棋枰喻國工。若令酬聖主。便可壓羣公。不見軒轅后。天師稱小童。

身書

宋史賈黃中傳黃中幼聰悟方五歲父玘每旦令正立展書卷比之謂之等身書課其誦

讀生風

開元天寶遺事帝于勤政樓以七寶裝成半高七尺召諸學士講論古今勝者得升

唯張九齡論辨

天師莊子庚桑楚篇黃帝將見太隗生於朶朶之山至乎襄城之

野七聖皆迷適遇牧馬童子請問為天下小童曰夫為天下者亦奚以異乎牧馬者哉亦去其害馬而已矣黃帝再拜稽首稱天師而退

稽首稱天師而退

反風行

二月十日忽陰晴。刮風吹沙暗天地。長安市上少人行。司寇徒行來下吏。司寇叮嚀顧屬吏。老臣自失明主意。老臣從此入請室。凡百靖共敬爾位。焚香泥首拜臯陶。獄門訣別咸流涕。君不見天王聖明古無二。雲開日霽須臾事。明朝片紙召復位。天乃反風亦容

司寇

崇禎十一年戊寅二月初九日大司寇鄭三

後以治司農侯恂事執法失出不當上意下刑部獄是日風狂沙舞黑霧蔽天司寇囚服至獄門長安士民觀者歷路錯愕時應天府丞徐石麟齋萬壽賀表入都上書頌寬言大臣當加禮貌以全國體後竟得釋繫去

初學集詩註

卷第十三

六

送僧游峨眉

劍外徵兵羽檄忙。傳烽午夜照瞿塘。雙峨大有閒人在。坐斷千林看佛光。

雙峨

樂史寰宇記峨眉山按益州記云在南安縣界兩山相對狀似峨眉此山之外又有小峨

眉佛山

陸深蜀都雜抄峨眉山中有光怪若虹蜺然每見于雲日映射之際俗所謂佛光者

已

偕劉司空過應侍御小飲酒間與來吏部訂西

陵之游

但遇招邀卽勝游。莫將春日縉春愁。紅塵蔽榻還過。應紫陌看花。况值劉照眼。緋桃驚屋角。開顏綠醕

眉頭前期共有西陵在露酒尊羹正可求

過應塵蔽于几榻幸有袁生時步玉趾應休璉與侍郎曹長思書悲風起于閨闥紅

清談劉禹錫戲贈看花諸君子詩紫陌紅塵而比拂面來無人不道看花陌值劉千樹盡是劉千樹盡是劉都觀裏桃

贈胡泌水

甲第軒車五却迎

萬人如海隱王城五侯席上支頤

坐丞相門前掉臂行突兀高樓看鼠墜嗟峨老表算

徇烹談天欲吐耶口午夜燃燈禮淨名

隱王城東坡病中聞子由得告詩唯有五侯漢書

傳上悉封舅譚為平阿倭高成都倭立紅陽倭根曲陽倭逢時高平倭五侯同日封故世謂之五侯

初學集詩註 卷第十三

七

徇烹吳均續齊諧記燕昭王墓前一班狸積年能為幻化變作一書生欲詣張華過問墓前華

表華表曰張司空智度恐難籠絡非但喪于千年之聲亦恐深誤老表書生不從遂諸華論辨華無

不應聲屈滯乃歎曰天下豈有此年少若非鬼怪

央是狐狸雷煥曰千年老精唯有千年枯木照之

則形見燕昭王墓前華表已當千年乃遣人伐之

使人既至華表嘆曰老狸果誤我事于華表空中

得青衣小兒長二尺餘將還未至洛陽而談天史

荀卿列傳騶衍之術狂大而毘耶口碑杜口毘耶

以通得意之路摩論淨名僧肇注維摩經維淨各杜口于毘耶摩詰秦言淨名也

送曲周路侍御之官中州路曾抗疏為余伸雪

牽連謫官 臺栢空餘一院陰清時珥筆正如林諍臣豈為移官

慮明主安知護法心客路孤花如我在天涯芳草

為君深梁園自古風流地顛顛休為逐客吟

護法

徐自明宰輔編年錄神宗熙寧七年王安石罷相薦韓絳代日仍以呂惠卿佐之庶于安

石所為遵守不變也時號絳為傳法沙門惠卿為護法善禮箋曰烏程以閭訟要結主知與陽羨

唱雌和相繼登政府既而軋周去之溫遂獨秉國鈞十年六月體仁罷歸衣鉢付之韓城不兩月而

政柄與臨川之用惠卿何異明主進退大臣安知聚鬼徵妖朋扇若此甚矣人之不易知也

舉綱謀成嘆彼驕抗章投劾荷清朝青衫去國君恩

重白首全生物論昭海內灰心論碩果班行指日飛

川楫與君更有前期在汗簡牽連未寂寥

初學集詩註

卷第十三

六

題宋徽宗杏花村圖

宜春小苑春風香宣和闕殿春晝長帝所神霄換新

詔江南花石催頭綱至尊盤礴自游藝宛是前身畫

師製歲時婚嫁杏花村桑麻雞犬桃源世杏花林中

花冥冥終千山雀羣飛鳴巾車挈篋去何所無乃負

擔趨青城君不見杏花寒食錢塘路鬼燐燈檠風雨

暮麥飯何人澆一盂孤臣哭斷冬青樹

神霄

九朝長編紀事本末政和二年林靈素曰神霄玉清皇上帝之長子主南方號長生大帝

君既下降于世乃以其弟主東方青華帝君領神霄之治天有九霄而神霄為最高希烈紀畧曰道

君皇帝以神霄玉清之尊青城宋史欽宗紀靖康降神出明應帝王之興起 二年二月辛未金

人偏上皇召皇后燈檠陶九成輟耕錄初徽欽葬皇太子入青城凡六七年而後許以梓宮還行在高宗親至臨平奉迎易總服寓于龍德別宮一時朝野以爲大事諸公論功受賞費于宮帑者不貲先是選人楊偉貽書執政乞奏間命大臣取神觀之最下者斲而視之既而禮官請用安陵故事梓宮入塋卽承之以楸仍納袞冕輦衣于櫛中不改欽從之至被楊璉真伽發掘徽欽二陵皆空無一物徽陵有朽木一敗欽陵有木燈檠一枚而以慰一時時已料其真僞不可知不欲遂詐亦以慰一時之人心耳而二帝遺骸浮沉沙藻亦未嘗還也何孟五代史唐明宗家人傳淑妃王氏臨死呼曰何不留吾兒使每歲寒食持一盂飯洒明宗墳土冬青樹元戊寅浮圖總統楊璉真伽利宋贊官金王發之珏獨懷痛憤陰召諸惡少夜往收貯遺骸瘞蘭亭山後上種冬青樹爲識謝翱與珏友善爲作冬青樹外讀者莫不洒泣贈九成輟耕錄王筠菴示予唐義士傳蓋雲溪羅先生所撰也及見遂

初學集詩註

卷第十三

九

呂鄭明德所書林義士事蹟有五詩與前所錄微不同而詩中有雙匣字則是收兩陵之骨中乎但義士詩而羅雲溪以傳者之誤而寫入骨中乎但曰移宋常朝殿冬青植所函土上而作冬青詩則會稽去枕止隔一水或者可以致之若夫東嘉相望千餘里豈能容易持去縱持去又豈能不枯瘁耶審如是則又疑唐義士詩矣且葬骨一事豈唐方起謀時林已先得高孝兩陵骨耶抑得所易之骨耶或各行其所志不

夢與李長蘅談詩長蘅口誦一絕句嘆其清婉有味云是湖州董伯念登第後有寄作也覺而

記之

舊巢雙燕到依稀風入疎窻燭淚肥短雨輕寒催曉夢夢中渾未著朝衣

徐娘歌

徐娘二十絕代無。當場一曲千明珠。小妹鳳生恰三
七。輕粧薄帳雙雙出。肩摩擔壓篙櫓橫。半塘水沸山
隄平。清歌緩舞廣場寂。千人石上無人聲。風流徐郎
字夢雨。徐子詩五
見前卷一見魂銷足不舉。油壁青驄竝載
歸。連枝共命交相許。多情多病轉堪憐。最是清明寒
食天。楊柳風前行藥坐。海棠樹下對花眠。相送却回
几幾度。暗別偷啼更無數。跡重叮嚀囑歌扇。護惜頻
頻寄窮袴。離筵我賦送春詩。更與新翻柳絮詞。津逮
軒中低唱夜。初平石下踏歌時。徐郎笑噱還相向。在

初學集詩註

卷第十三

三

旁惟爾曾知狀。長將皎日留誓盟。縱及黃泉肯相忘。
豈知人世不相於。共命拋離連理虛。三秋司馬纏綿
病。一紙蕭娘決絕書。小樓牕前齊女墓。婁江卽是天
河路。空餘白髮裏秋衾。拚爲紅顏卽朝露。淒涼此事
十餘春。取次沉吟淚滿巾。白楊荒草知何處。况復嬌
花帶酒人。燕山糧艘高於屋。鶯梢燕乳樓船腹。將軍
組練白差差。小婦榴裙紅簇簇。五日蒲榴正舉杯。有
人玉帳寄聲來。因知河上凌波女。曾向江頭行雨回。
殷勤慰問南冠客。鬢髮新添幾莖白。聊搏角黍祝團
圓。更炙王餘勉餐食。白頭殘客重咨嗟。舊雨新愁恨

似麻已分歌殘吾谷樹更堪哭損馬塍花十年一夢
如宿昔往事如風豈堪摘小鳳公然作阿婆夢雨荒
庵更第宅我因君嫁不爭多
穩穩心情可奈何禁城
暮雨瀟瀟久還想吳娘一曲歌

初平石

海虞文苑張應達虞山記影城川上舊有
亭曰館月轉而西爲初平石可坐數人

王餘

左太冲吳都賦片則王餘裕云越王鱸魚未
盡因其半棄之爲魚遂無其一而故曰王餘

也吳孀

白樂天寄殷協律詩吳娘暮雨蕭蕭曲自
別江南更不聞注曰江南吳二娘曲詞云

暮雨蕭蕭
郎不歸

有感寄侯繕部

設羅氏巷省誼譚公叔文成每自嗟

謂朱公叔
絕交論

對影

初學集詩註

卷第十三

三

攢頭如縮蝟向人張口似神鴉養成叢棘終爲刺鋤
過芳蘭可作花歎息要離墳畔土他年真欲累侯芭

題大鳥圖

五月二十四日出
賦爲君停主人題

漫道昆明有劫灰蒲陶苜蓿至今栽不知此日乘槎
客誰見條支大鳥來

送詹葉二御史赴南臺

本朝風紀出留臺况復臨軒御遣來攬轡風生新

諫草之官霜肅舊宮槐
采恩高闕千年在烽火西陵

一夕廻

吳志揚都賦注曰孫權時合暮
舉火西陵鼓三竟達吳郡南沙

月出衣冠猶

在眼綠章先許奏塔台

留臺

程大昌演繁露趙璘田詵錄曰高宗朝改門下省為東臺中書省為西臺尚書為文昌臺

故御史呼為南臺南朝亦同又曰右臺則御史未

左右肅政之號當時亦謂之左臺右臺則御史未

嘗有東臺西臺之稱也唯俗呼在京為西臺東都

為東臺按此言之御史為一臺別自言事加東西

南三稱為別耳其謂俗呼在京為西臺者唐都長

安于洛陽為西而洛陽亦有留臺故長安各西臺

而洛陽為臨軒祖宗朝外官考選例授科道部屬

東臺也無入詞林者崇禎十八年成寅并

建官之制知推皆得考選詞林暨十一年成寅并

考選在京之中行評博令主者矢公衡平而入言

雜採漫無依據上于四月庚申現試考選者于中

左門賜對對訖復試策一道五月十一日禮部接

聖諭欽定詞林屠象美等十人科張岸等十二人

道李嗣京等三十六人南道閻嗣科四人而詹兆

恒葉樹聲居其二焉其未定者無以次授部屬

臨軒御選此亦三百年以來所無之異數也

帝遣雄班重鎬京一臺二妙遂先鳴旁求容易招胥

初學集詩註

卷第十三

三

靡拔茹頰煩說彙征碩果摘餘嗟老圃豆萁落盡笑

躬耕法星近照江天畔寂寞衡茅覺夜明

二御史皆抗疏慰薦

云故

一臺二妙百書衛權傳權與敦煌索靖俱善草書時人號為一臺二妙法星史記

天官書太微南四星為執法

平臺行記聖主能容直臣也七古

五星順軌火不驕寇降虜讐邊烽銷舜臣五人同日

舉延登受策光聖朝平臺召見亦何意疇咨不厭博

且勞聖主清問霽顏色詹臣抗對干雲霄禁中語秘

世莫曉君門萬里真峇峇但傳優容出天語君明臣

直聞衢誦。唐天未許排闥闥。漢代誰當應鼓妖。秦王
學士時難見。金吾老將何寥寥。嶙峋折檻何足羨。平
陵槐里成蓬蒿。窮巷悄然斷車馬。流傳盛事心煩囂。
老夫未敢歎秋雨。臥聽屋卷三重茅。

五星順軌

淮南子本經訓篇五星順軌而不失其
行許慎曰五星熒惑太白鎮辰歲星也

軌道也

崇禎十一年戊寅六月二十五日吏
部欽奉上諭兵部尚書楊嗣昌戶部

尚書程國祥俱改禮部尚書禮部尚書大理寺少卿
工部左侍郎蔡國用俱陞禮部尚書大理寺少卿

范伏枹陞禮部右侍郎俱兼東閣仍帶管兵部事
閣與首輔劉宇亮協同辦事嗣昌仍帶管兵部事

清問

書呂刑皇帝
清問下民
詹臣
面折廷諍每有所條對援

引今古敷奏詳切上亦心重之時論咸以揆路屬
望焉戊寅四五月間熒惑逆行太白晝見道周見

初學集詩註

卷第十三

三

楊嗣昌籌寇事滋失策慨然謂馮元駿等曰天象
如此武陵柄用必誤國家宜率同列固爭之退而
削贖草數劄于陳邊事策寇警其一乃糾嗣昌奪
情并論陳新甲者修飾疏藁未上元駿謂枚卜無
出道周右疏一入觸忤上意卽與推亦且弗用力
止之曰公柄用挽回者大奈何必以舌頰爭乎遣
所知日爭之疏竟不得上時諸公成舒徐寬綏與
時浮沉遇朝宁有大事噤不敢發一言號養相體
道周實羞之不爲也上傳部院推問員吏尚書商
周祚列名以上上意嘿有屬切責周祚濫尚書自
用楊嗣昌等五人入閣上屬知道周學行謂其性
偏執非救時相故後之道周亦非以不相故有怨
望心特恨爲同列所誤不早排擊武陵遂就初藁
爲三疏以進上之相武陵也疑非朝士意道周又
衆所推服犯顏強諫譚其理直而欲以詞折之七
月已巳召對平臺道周極論嗣昌奪情之非幾數
百言上曰嗣昌久歷疆巖守制已入內閣借名妄
有舊劄黃道周彼時不言今因簡入內閣借名妄
詆朕聞無所爲而爲者謂之天理有所爲而爲者
謂之人欲道周已不見用而出此當與卿等共議

之諸臣見上勃然色變皆懼嗣昌陽為引救道周
抗論上前頓首力爭詞不少屈對畢叩頭就班上
目而斥之曰佞口道周再入至上前曰請為上分
別忠佞夫臣在君父之前獨立敢言為佞在上君
父之前讒詔面諛為忠乎忠佞不分則邪正混淆
何以致治上益怒縱騎在殿下惴惴將有所收議
上終以道周儒者優容之鼓妖漢書五行志君嚴
奪其官得江西幕僚以去鼓妖 猛而閉下臣戰栗
而塞耳則矣聞之氣秦王學士少陵折檻行嗚呼
發于音聲故有鼓妖子困泥途白馬將軍若雷電
學士時難羨青衫賀少卿折檻空嶙峋婁公不語宋
千載少似朱雲人至今折檻空嶙峋婁公不語宋
公諱尚德先金吾老將舊唐書陽城傳城上疏論
王容直臣延齡奸佞陸贄無罪德宗
大怒將加罪金吾將軍張萬福趨立延英門大言
賀曰朝廷有直臣天下必太平矣萬福武人年八
十餘自此平陵槐里漢書朱雲傳舉方正為槐里
名重天下令至成帝時雲上書求賜上
方劍斬佞臣安昌侯張禹上大怒御史將雲下雲
攀殿檻檻折及後當治檻上曰勿易因而韜之以

初學集詩註

卷第十三

三

旌直臣雲年七十餘終于家三重茅少陵茅屋為
為丈五墳葬平陵東郭外秋風所破歌

八月秋高風怒號
捲我屋上三重茅

次韻答項水心宮諭見贈

七排

夕陽亭下車祛袂離筵班馬相躊躇爭看弱葉墮煙
海豈有腐草枝方輿離離秀在姬訾口綿綿瓜蔓昆
吾墟郢水醪清和狼毒蓬池鱸美烹蟲蛆瀛洲亭子
開馬肆柯亭劉井今何如袁絲居家隨走狗孫引寵
歸仍牧豬烏頭馬角何足歎頭白始解看殘書齒折
何當廢歌笑頃稿正可供糲粗松江蟹肥思魯望蘇
臺木落悲靈胥一籠天地敢踟躕兩九日月窮居諾

招邀青山入庭戶。誘引秋水浮堦渠。竹間花下肯相訪。預戒老鶴迎巾車。

烟海

荀子富國篇飛鳥鳧雁若烟海楊柳傳

懷公三十年公孫輝與禪竈過伯有氏其門上生莠于羽日其莠猶在乎于是歲在降婁降婁中而

且禪竈指之日猶可以終歲歲不及昆吾墟左傳

十七年衛侯夢于北宮見人登昆吾之觀被髮北

面而噪日登此昆吾之墟縣縣生之瓜余為渾良

去叫天鄧水醪李德裕述夢詩荷靜蓬池膾水寒

無辜是蓬池魚膾夏至後腸及頰曉香酒以酒柯亭劉

味蒲洪每和水而飲禁中有郢酒坊也

井造瀛洲亭以臨之劉文安為院長潔井干其旁

柯亭劉井詞走狗漢書袁盎傳盎病免家居與

林以為美談

初學集詩註卷第十三

五

褚漢書公孫弘傳少時為獄魯望陸魯望著蟹志

玉堂雙燕行送劉晉卿趙景之兩大史謫官

玉堂晝暖薰風香。雙雙燕尾搖倉琅。背飛竝映銀花

榜。記宿交棲玳瑁梁。感君恩重巢君幕。顧影呢喃前

復却。何當鳴梧比丹鳳。且願銜花效黃雀。啁嘶辭歸

未忍歸。差池掠羽試雙飛。風迴鈴索聲猶在。日過花

磚候已非。珠簾十二秋風促。蘆雪菰煙何處宿。明年

祀日蚤歸來。篋口銜泥補君室。

謫官

黃道周極論楊嗣昌上怒甚翰林劉同升趙

嗣昌俱

王春給事何楷御史林蘭友各疏救道周劾

謫調

白書院額曰玉堂及以詩賜之太宗

曰此永爲翰倉琅漢書五行志成帝時童謡曰燕

林中一美事燕尾涎張公子時相見木門

倉琅根燕飛來啄皇孫皇孫死燕啄矢其後帝爲

微行出遊帝與富平侯張放過河陽矢見舞帝趙

謂富平侯也木門倉琅根涎涎美好貌也張公子

也後立爲皇后弟昭儀賊害後宮皇子卒皆伏

辜所謂燕飛來啄皇孫皇孫死燕啄矢者也

花榜東方朔神異紀東明山有宮青石爲牆面一

宮衙花吳筠續齊諧記揚寶年九歲下華陰山見

所困寶懷之以歸置巾箱中啖以黃花百餘日乃

飛去其夜有黃衣童子曰我王母使者君仁愛見

救以玉環四枚與寶曰令君子箭口陸佃埋雅燕

孫索白位登三事當如此環矣箭口之往來避社

而嘍士不以戊巳箭口布翅枝尾

姬太僕墓道歌

初學集詩註 卷第十三

三

華州城南七尺墳渭水縈紆遶墓門劈華巨靈難漂

恨竝開仙掌與招魂冢中碧血爲乳潼扶養松楸作

梁棟秦地爭看下馬陵雒陽尚說思鄉夢廬山起家

竝崔嵬雍門鼓琴何足哀冢側正須何點住植花澆

酒爲君來

姬太僕公諱文胤字士昌西安府華州人萬曆癸

卯舉人六上春官不第年四十二以祿養

謁選天啓二年壬戌四月下旬蒞任滕縣奔走參

謁身無寧晷甫視事三日而白蓮賊圍城矣五月

十八日城陷公緋衣坐堂上賊前搏之嚼齒大罵

錮以銀鑰鐵鎖越三日不食爲詩八章書于壁以

縣印遺狀付門子魏顯昭僅守務北而再拜自縊

而死顯照之于賊許以布裏屍瘞于官署之池側

九月賊平公之父始收屍重殮已五閱月矣撫臣

趙彥上其事詔贈太僕寺少卿四年二月歸葬于

華州西郭賊考掠顯照索印顯照以印予父以遺
狀于妻之父同守務罵賊死詔之恤公也并錄二
人復仙掌賈氏談錄華岳掌其石丹紫正如人肉
色每太陽對照則盡見之及日暮則漸
隱而不見樵者云仙掌者蓋絕地之上羣
壑聚會之所石色頗然望之適類其掌耳
潼關之乳說文潼乳汁也潼音東又竹仲
切後漢書李善傳親自哺養乳爲生潼
思鄉夢
後漢書溫序傳序爲隗囂別將苟宇迫殺光武賜
洛陽城旁爲冢地長于壽服竟爲鄒平侯相慶序
告之曰久客思鄉里壽卽棄官上書
廬山史記霍
乞骸骨歸葬帝許之乃及舊塋焉
廬山去病霍
詔青尚平陽主與主植花澆酒梁書何顥傳從弟
合琴起冢象廬山云
植花澆酒
通以東籬門園居
之園內有十忠貞冢點植花卉
于冢側每飲必舉酒酌之

送楊侍御休沐還武陵二首

鱸堂盛事記銜魚畫繡爭看著繡衣楚國椒蘭資獻

初學集詩註

卷第十三

七

納秦人雞犬慰鄉閭辰山月白開醞酒西水雲深簡
洞書見說川源桃萬樹春來齊發子雲居

畫繡

魏志張既傳出爲雍州刺史太祖謂既曰還君本州可謂衣繡畫行矣辰山祝穆

方輿勝覽辰山

水經注西水導源益州巴郡臨江縣洞書王象

地紀勝方輿記云小西山下有石穴中有書千卷

秦人避地隱學于此因留之梁湘東王繹詩西陽

遼典者
以此地

清時休澣有餘忠丹地青蒲薜蘿中江漢驚烏啼夜

月沅湘香草哭秋風五溪衣服雲山別三楚兵車乘

廣同莫待還朝方入告早襄黃閣奏膚公侍御武陵桓相之叔

也

乘廣

左傳宣公十二年欒武子曰其君之戎爲二廣杜預曰十五乘爲一廣司馬法百人爲卒二十五人爲兩車十五乘爲大偏今廣十五乘亦用大偏法復此二十五人爲承副

送任侍御巡按吳中二首

鷹隼秋高刷羽翎。爭傳風簡下青冥。遙看牛斗消氛祲。先向虛危候德星。螟蟻化爲霜雪氣。魚龍不動海波腥。採風願奏吳雜曲。驄馬歌謠處處聽。

帝爲東南減膳餐。捐租加賦詔頻煩。夏周七浦資渠

西。單郊三江待討論。析水帆檣輸北極。扶桑島嶼護

東門。吳宮稻蟹應無恙。莫忘飛章慰至尊。

夏周

永樂元年欽差江南治水戶部尚書夏原吉疏云浙西諸郡蘇松最居下流太湖受納杭

初學集詩註

卷第十三

壬

湖宣欽諸州之水散注三江。頃爲浦港溼寒。滙流漲溢。傷害苗稼。拯治之法。在浚滌。吳松江諸浦。導其壅塞。以入于海。正德七年。巡視江南水利都御史俞諫。請濬白茆。疏云。白茆港。開自僞吳。張士誠藉以宣洩。湖濠備旱。潞爲一方之利。迨入國朝。尚書夏原吉。侍郎周忱。相繼浚治。嘉靖二十二年。巡按直隸御史呂洵。與修水利。疏云。先時大臣奉命經理。吳中者。凡數十人。惟正統間。巡撫侍郎周忱。功効最著。吳民至今思之。亦先朝委任單郊。范大吳郡志。熙寧三年。崑山人郊。宣自廣東。機宜上奏。以謂天下之利。莫大于水。田水田之美。無過于蘇州。然自唐宋以來。經營至今。終未見其利者。其失有六。今當去六。失行六。得元祐中。宜興人單諤。作陽羨風土記。其說本專爲荆溪橫塘。析水。爾雅百瀆之塞。以及于松江震澤之水勢。析水。釋天析水。謂之津。郭璞曰。卽漢津也。大明一統志。析水廢縣在海州。衛本漢壘平縣地。遼改曰析水。

王郎行贈王昂都尉

王郎謫來帝所翼。瑤腑璿枝國懿親。黃扉近接天孫館。清構遙通婺女津。晉陽甲與虜氛惡。抗顏掀髯歷

臺閣。吳王白頭悔舉事。漢相頽顏羞振落。都尉掌宗人府力主

唐藩之議政府憚之祇今七十仍壯年。綠髮方瞳陸地仙。燒丹

藥有君臣火。好客囊無子母錢。王郎王郎亦癡絕。衷

腸于卷眉百結。滿堂歌吹撥不歡。但爲匈奴猶未滅。

白頭舉事。漢書晁錯傳上曰吳王卽山鑄錢煮海爲鹽誘天下豪傑白頭舉事此其計不

萬全豈發乎

題劉宮諭畫三首

春山得春山氣長。瀑布奔流幾千丈。山僧濺衣古寺

初學集詩註卷第十三

无

中行人拂面溪橋上。噴壑奔雷日夜忙。愁傾銀漢瀉

天潢。白雲衝斷青山在。始信人間有石梁。

右春山觀瀑圖

石梁。任昉述異記廬山有三石梁長數十丈廣不盈尺俯眇杳然不見底咸康中吳猛將弟子

登山遊觀因過此梁見一老公坐樹下以玉杯承甘露與猛又進一處見數人與猛共言若舊相識

秋光如水秋天半。南山高稜見書案。高樓圖史稱蕭

閒。下界丹黃自紛亂。遠浦維舟傍戶矚。兩翁相對話

溪雲。知無世事汗君耳。樓上書聲閒不聞。

右秋山讀書圖

高稜。退之秋懷詩清曉卷書坐南山見高稜

幽都冰雪夜可有一枝春驛使何當發吾將贈美人

右墨梅

次韻答王岑庵戶部

舊雨悲將別新知樂未皇風雷徒自作弦朔正相望
地肺虛靈異天心尚角芒南冠猶唁楚北牖獨歌商
聞記輸王粲清評服許將涼風吹灑落白日照青楊
鹿訟嗟牽率雞占笑苦傷山人聊衣白使者或車黃
酒券賒文籍詩塲擅鼓簧慙無蔡邕贈執筆重傍徨

間記

魏志王粲傳粲與人共行讀道旁碑人問曰卿能間誦乎曰能因使背而誦之不失一字

酒券

宋葛文康公好借書嘗以酒券從尚公輔假太平御覽詩蔡邕贈魏志王

初學集詩註卷第十三

三

徒長安蔡邕見而奇之曰有異才吾不如也吾家書籍文章盡當與之

文中書啓美入直武英二首時上命侍臣較正

御屏輿圖兼改定琴譜

才子承恩供奉時抽毫長對萬年枝千門萬戶張衡
賦盧橘蒲萄李白詞應制大官分酒膳賜金宮女損
胭脂君王省識鑾坡事三嘆家聲在鳳池

供奉

唐語林國朝中書舍人專掌詔誥玄宗初張說陸堅張九齡徐安貞相繼爲之改爲翰林

奉萬年枝

謝朓直中書省詩風動萬年枝李善曰晉宮門名曰華林園有萬年樹十四株

禁殿深嚴翰墨香地圖琴史卽封章屏開禹跡圍諸
夏譜叶虞弦動四方聚米山川籌朔漢採風歌曲按

伊京金門尚有台階奏敢倚談諧侍漢皇

登封歌爲王峿庵贈其尊人

玉稱千金客奉酬高歌擊筦燕市頭道心離下見黃
菊依氣霜前凌素秋羨君長髯不碌碌每笑腐儒何
拘曲秋原俠少輸臂鷹春社兒郎解分肉嵩山玉屋
舊天壇小駟人間亦未難他時天子登封日扱謝驚
看靖長官

靖長官

東坡送喬全詩序舊聞靖長官賀水部皆唐末五代人得道不死章聖皇帝東封有

謁于道左者晉水部員外郎賀元再拜而去上不知也已而聞謁見之大驚物色求之不可得

牧齋初學集詩註卷第十三終

初學集詩註

卷第十三

三

牧齋初學集詩註卷第十四

錢後人錢 曾 遵王箋註

茗南 鈔訂

東海朱 梅 朗巖分校

試拈詩集下

起戊寅八月盡一年

中秋夜餞馮爾賡使君於城西方閣老園池感懷敘別賦詩八章時德州盧德水東萊崔道母

及馮五十躋仲俱集

置酒坐廣除○白月挂我前○纖雲解翳駁○萬象吐澄鮮○月駕何方來○先照雙闕巔○稍破閣道暗○復向天街圓○

初學集詩註 卷第十四

一

飛光城南隅○亦是尺五天○可憐大圓鏡○移置小林泉○明童泛玉卮○素臆流朱顏○嘆息月中桂○芬芳彌歲年○

明童世說言語篇徐孺子年九歲嘗月下戲入語之曰若令月中無物當極明耶徐曰不然譬

如人眼中有童子無此必不明

年歲何促迫○涼風鳴葛衣○分張一尊酒○共攬明月暉○君如高林隼○刷羽秋怒飛○我如繞樹鶻○三匝睇南枝○舉酒向街北○天狼角差差○營惑仍在廟○卷舌光未衰○盈觴不成醉○悵然生酒悲○崔生獨不飲○叩首看少微○

分張

樂天和微之自勸詩身飲數盃妻一盃餘酌分張與兒女

少微猶微蒞○尾箕正動柅○漢殿方延登○唐麻敢擗裂○

盧携終絕所張濟空掉舌玄菟貢仍至盧龍賣未徹

築宮種蒲葦撓酒契金屑崑嵐一亭障何必煩俊傑

馮以邊木推崑嵐道未允斂容向手版開顏笑旌節蕭蕭幽易地

風勁植素髮誰知千黃金不直一馬骨中坐慄不歡

俯仰危涕雪

張濟新唐書黃巢之亂帝名濟至行在時王敬武

在平盧軍最嚮累名不肯應濟往說之敬武

愕眙盧龍魏志田疇傳太祖欲侯之疇曰築宮漢

愧謝盧龍豈可賣盧龍之奉以易爵祿哉書

匈奴傳元壽二年單于來朝上以太歲壓勝所在

舍之上林苑蒲葦宮告之以加敬于單于單于知

之撓酒漢書匈奴傳韓昌張猛與單于及大臣俱

金留犁撓酒以老上單于所破月氏王頭為飲器

者共飲血盟應劭曰徑路匈奴寶刀也金契金也

初學集詩註 卷第十四

二

留犁飯七也撓和也契金着酒中撓攬崑嵐樂史

飲之師古曰契刻撓攬也音呼高反崑嵐懷宇

記嵐州崑嵐山後魏以山名邑在宜芳縣危涕江

北九十八里崑嵐鎮在縣西北九十八里文

通恨賦孤臣危涕

雪涕亦何為念我逮繫時逝將解符節徒跣偕我馳

傾身為朋友何況君與師在三節不敦相鼠嗟有皮

皎皎風烈人千古留鬚眉斬見魯衛士忍與逆豹私

此義久不陳微君誰與規魯連已蹈海平原徒繡絲

君過丑父泉為我重嗟咨

在三桓元子薦譙元彥表亦有秉心矯迹以敦在

三之節李善曰國語曰人生于三事之如一

父生之師教之君食之逆豹私左傳哀公十四年

韋昭曰三君父師也陳成子將殺大陸

子方陳逆請而免之。以公命取車于道及彰。衆知而東之。陳豹與之車。弗受。曰：逆爲余請豹與余車。余有私焉。事于我而有私。丑父泉。樂史寰宇記。齊于其讐。何以見魯衛之。丑父泉。州歷城縣華泉。逢丑父使齊頃公下。如華泉。取飲。又續。城。征記云。歷山有一井。無底。與此泉通也。

咨嗟思古人。今有盧德水。逆我檻車中。開門納行李。

漢吏捕亡命。秦相搜客子。洵洵蹤跡及。盧生若瑱耳。

却笑北海家。闔門浪爭死。杜亭三間屋。軒車行至止。

或有磊落人。定交復壁裏。

客子史記范雎傳王稽載范雎入秦至湖關見車騎從西來唯匿車中穰侯至因立車而語曰

謂君得無與諸侯客子俱來乎無益徒亂人國耳稽曰不敢卽別去雎曰鄉者忘索之于是下車走

行十餘里果使騎還索車中無客乃已

初學集詩註 卷第十四

三

杜亭主人出居停有兩公德水祠少陵及杜十郎類曰杜亭一爲浣

花叟一爲陽翟翁十郎不出戶卧陰楊柳風杜二長

羈旅屋茅卷三重人生非鹿麋安得骨相同指爪旋

滅沒有如踏雪鴻巫陽誰筮與詹尹何去從且醉平

原酒豁達開心脚

陽翟翁沈近筆談穎呂陽翟縣有一杜生者不知其各邑人但謂之杜十郎所居去縣三十

餘里唯有屋兩間其一間自居一間其子居之室之前有空地丈餘卽足籬間杜生不出籬門凡三

十年矣黎陽尉孫軌往訪之問其不出籬門之因曰以告者過也指門外一桑曰十五年前亦曾到此

桑下納凉何謂不出門也問曰何所爲曰端坐耳問會觀書否曰二十年前曾有人惠一冊書無題

號其間多說淨名經亦不知淨名經何書也當時極愛其議論今亦忘之并書亦不知所在久矣問

其子之爲人曰村童也軫
還及此不覺頓忘煩勞

心胸正鬱陶別君更忡忡君爲希有鳥我如失負蝨

君有一介弟海內稱小馮都諫元賤君家五十郎卓犖比

敬通一家自師友咳唾生仁風我衰困無徒予于坎

陷中有心各如面昌衛非窮達假面難笑啼借足不

從容逝將歸故鄉獨身老蒿蓬衡門塞兩版保此一

畝宮

希有鳥水經注神異經曰崑崙有大鳥名曰希有南向張左翼覆東王公右翼覆西王母背

上小處無羽一萬九千里西王母歲登翼上之東

王公其鳥銘曰其鳥希有綠赤煌煌不鳴不食東

復東王公西復西王母王母欲東小馮漢書馮奉世傳立居

初學集詩註 卷第十四

四

職公廉治行畧與野王相似吏民嘉美歌之曰大

馮君小馮君兄弟繼踵相因循聰明賢知惠吏民

政如魯衛德化鈞昌衛射者湯問篇甘蠅古之善

周公康叔猶二君師紀昌又學射于衛既盡衛之術計天下敵已者

一人而已乃謀殺衛遇于野二人交射矢鋒相觸

墮地而塵不揚衛矢先窮昌遣一矢既發衛以棘

刺之端扞之而無差焉于是二子泣而投弓請爲

父子刻臂以誓不得以術告人

一畝良易保四海將何如清夜不能寐執手臨前除

天王本聖明臣工自睢于鳴集皆鴻鴈服豫誰鳥鳥
君行登岱宗吊古訪蒲車旗星大如瓜東井蒨安居
東萊海甸甸將無見巨魚鹽災厯宵旰天下供軍儲
試看次公論何似仲父書馮起山東鹽連判官我聞靈臺占德

星出危虛賦詩代出社一笑慰首塗

睢于

莊子寓言篇而睢睢盱盱而誰與

鳥鳥優施

飲里克酒中飲優施起舞謂里克妻曰主孟昭我

我教子暇豫事君乃歌曰暇豫之吾吾不如鳥鳥

人皆集于楚蒲車史記封禪書古者封禪為蒲車

已獨集于枯蒲車惡傷山之土石草木索隱曰蒲

車謂蒲棗旗星後十餘日有星莠于三能望氣王

朔子侯獨見旗星出巨魚漢書五行志成帝永始

如瓜食頃復入焉元年春北海出大魚長

六丈高一丈四枚哀帝建平三年東萊平度出大

魚長八丈高丈一尺七枚皆死京房易傳曰海數

見巨魚邪人次公論漢書公孫田劉諸人傳贊宣

進賢人疎次公論帝時汝南桓寬次公推行鹽

鐵之議增廣條目極其論難著數萬

言亦欲以究治亂成一家之法焉

初學集詩註 卷第十四

五

白溝河題張于度屋壁 于度名果中新城人明經篤行左魏諸公急徵

皆主其家

門外喧喧要路津。荻簾土銼淨無塵。夕陽亭下頻留

客。廣柳車中每貯人。北寺生還餘我在。南冠死別累

君頻。臨岐苦語真難忘。鄭重車中七尺身。

土銼

少陵聞解斯六歸詩土銼冷疎烟吳若曰蜀人呼釜為銼困學紀聞滴水李氏云老杜多

用方言如岸漑土銼乃黔蜀人語

戊寅九月初三日奉謁少師高陽公於里第感

舊述懷卽席賦詩八章

忽漫搢衣拜此堂。心期如夢淚千行。更闌尙說三條

燭。坐久真慚數仞牆。孔思周情新著作。禹糧堯韭舊

耕桑明燈促席親函丈秋柝沈沈夜未央

孔思周情

李漢昌黎集序曰光玉潔周情孔思禹千態萬貌幸澤于道德仁義炳如也禹

糧堯韭

李羣玉登蒲澗寺後二巖詩澗有堯韭山餘禹日糧任助述異記今藥中有禹餘

糧者世傳昔禹治水棄其所餘糧于山中生為藥也

再鎮危關鎖鑰長一歸寇總猖狂心因憂國渾如

醉髻為論兵半有霜椽筆携將分子姓鞞刀留取壓

文章入郊先問躬耕地簡較秋原幾樹桑

憂國

後漢書劉寬傳靈帝引見寬常令講經寬常于坐被酒睡伏帝問太尉醉耶寬仰對曰臣

不敢醉但任大論兵 唐詩紀事裴度中書即事詩責重憂心如醉

鞞刀

新唐書李光弼傳光弼將戰納刀于鞞曰戰危事吾位三公不可辱于賊萬有一不捷當

初學集詩註

卷第十四

六

白刎以謝天子

倉皇出鎮便門東單騎橫穿萬虜中拊手關河歸舊

服側身天地荷成功朝家議論三遺矢社稷安危一

畝宮聞道邊廷饒魏絡早懸金石賞和戎時武陵及遼撫方議

講歎公酒間拍案歎息

東便門

崇禎二年巳巳十月建師入大安口陷遵化將薄都城上以原官即家起公十五日

名對平臺稱旨上欲委公以中書重任當國者忌公之能相與擠而出之夜牛內閣傳奉聖旨輔臣

承宗星馳通州料理質明公聞命領二十七騎出東便門倉皇遣發惟茅元儀誓死從行抵通調兵

入衛時祖大壽以袁崇煥被逮率兵譟而東潰公遣馬世龍推心告語百計慰安之東兵渙而復萃

世龍援兵發通州建師拔壩上營歸遵化京師解嚴上命公移鎮關門公于十二月十四日再莅山

海人心始大定明年五月四日誓師復遵永公詣
撫寧督戰十三日克藥州建師趨杖知灤破遂并
遷安兵于采平屠其衆出冷口去公入永平十六
日克遵化四日而四城皆下先後俘獲甚衆露布
奏聞上令
布告中外

簾櫳卽可當儲胥鈐索長疑畏簡書廳事祗堪容旋
馬講堂猶自見銜魚能文裴度差相似徒飯張良正
不如比較溫公還省事更無僮馬出門問

旋馬宋史李沆傳治第封邱門內廳事前僅容旋馬或謂太隘沆笑曰此爲宰相廳事誠隘爲

太祝奉禮廳裴度本朝閣臣出將皆不兼書兼高

事已寬矣陽之督師詔以兵部尙書兼東

關大學士原官督理關城及薊遼天津登萊各處
軍務便宜行事不從中制勅書曰漢則孔明唐唯
裴度卿其勉建勲猷除克雪耻標名麟閣毋遜前
徵益以上之倚賴高陽臨門御遣有如唐憲宗御

初學集詩註

卷第十四

七

通化門慰勉裴度赴淮西故事
故勅書以裴度爲比非泛詞也

劍眉山鼻戟如鬚生面麒麟可卽圖渭水師臣爲後

輩金城老將作前驅掃清君側誠難事恢復遼陽豈

廟謨當享何煩三嘆所秋風吾已穩菰蘆

劍眉麻衣石室神異賦河日海口食山鼻世說排

僧淵目深而鼻高王丞相每謂之僧淵曰鼻者面
之山目者面之淵山不高則不靈淵不深則不清

金城老將漢書趙充國傳安國爲虜所擊引還時

將者對曰無踰于老臣者矣上遣問羌虜何掃清
如曰北難頭度臣願馳上金城圖上方閣喜峯古

君側高陽以天啓四年甲子西巡薊昌閣喜峯古

四日入賀萬壽節面奏進兵機宜初南樂魏廣徵
以同姓附麗下逆奄密書相通皆題內閣家報公

秉正不阿直詞規切廣徵當心銜之保和后之獄錄三皇親家僮奴下鎮撫公語劉僑曰上方以離間疏遠三宮三家之獄起意在動播三宮耳君宜委曲解釋直明外家冤誣各錄一奴坐以私爲奸利子從中理解以蔽斯獄可矣僑如言具獄而止應山劾奄二十四大罪中列謀害皇親一事所云閣臣力爲護持者實指公爲徵耳逆奄故深疑公南樂又時以危言聳搆至是公疏請面對廣徵大懼告逆奄孫樞輔擁關兵數萬人清君側次輔顧郎李邦華爲內應逆奄恠甚逆御非而哭次輔願秉謙奮筆票擬曰無旨擅離信地非祖宗法度所宥夜半開大明門召兵部尙書入分三道飛騎止公僑旨諭九門守奄孫閣老若入齊化門便鎖鄉進來公于十二日平明接諭卽刻東行具疏言薊門昌平一帶載在勅書臣本奉勅旨行信地豈敢無旨擅離去天咫尺適當萬壽宮請入賀致于聖諭嚴切有席藁待罪而已廣徵甚公甚令崔呈秀徐大化李蕃等連章劾公而蕃至以王敦李懷光爲比賴上知公三歎所左傳桓公九年享曹太子深力持之而免二歎所初獻樂奏而歎施父曰曹

初學集詩註

卷第十四

八

太子其有憂乎非嘆所也

一從凌水罷兵還三輔三韓戰血殷種落盡收沙漠部穹廬直抵賀蘭山紛紛嫚語金縢外往往殘障燧閒一綫白溝如帶水煩公卧鎮草橋關草橋關在高陽宋之三關也

凌河

四年辛未梁廷棟任本兵主修築右屯凌河議右屯去水二十里非得凌河不可守大小

凌河連接松山杏山錦州遼海而居上命祖大壽率馬步兵四千供版築護以石砦兵一萬節驍驍未幾廷棟去朝議謂凌工易成不當築撤班軍赴薊撫臣邱禾嘉猶覲凌工易成可以邀賞乃盡撤防兵留班軍運糧萬石以給之公曰停工散兵敵至無糧可資空城庶不致坐困今若此是立敗之道也禾嘉不聽八月建師圍凌城大壽與何可綱固守禾嘉率米衛吳襄往救師期屢易二十七日

敗績長山凌河不守可綱死大壽詭降得賀蘭山

逸敵墮凌城而去十一月公引疏求罷

樂史寰宇記賀蘭在夏卧鎮後漢書景丹傳丹病

起領郡事乃夜名入謂曰賊迫近京

帥但得將軍威重卧以鎮之足矣

魁三氣象久迷離隱隱寒芒屬尾箕戴斗一星兼將

相朝天數語動華夷滄桑朝市論新局烽火邊關覆

舊棋燈炮漏殘吾欲別河門早已拂參旗

戴斗爾雅釋北北戴參旗史記天官書其西有句

斗極為空桐曲九星三處羅一曰天

旌正義曰參旗九星在參西天旗也王者斬伐當

理則天旗曲直順理若明而稀則邊寇動不然則

不

高河水急朔風鳴再拜無言別淚盈海內公今雙白

初學集詩註卷第十四 九

鬢田間我亦一蒼生詞林粥飯荒冰署沙路延登亂

火城卅載師門何所效謹傳衣鉢事歸耕

冰署國老談苑陳彭年在翰林所兼十餘職皆

文翰清秘之目時人謂其署衙為一條冰

王師二首

捷書嘗若此振旅竟如何盜賊能逃死王師欲止戈

彎弓蒲矢在棄甲兜皮多信宿休皇處吾君候凱歌

蒲矢列子湯問篇蒲且子之弋也弱弓織繳乘風

振之連雙鷁于青雲之際張湛曰蒲且子古

善弋

射者

老弱猶鵝陳瘡痍自蝨行却看沙草色疑是戰塵生

雇募朝充伍扶携夜扎營歸來見天子身是內家兵

九月九日過德州不及登東壁樓於城西旅店
拾紙作詩屬魯瞻留題樓上四首

苦憶東樓上高天有上頭風雷殊不作日月迥堪愁

芳草迷吳會浮雲辨帝州莫令千載後題作望京樓

望京樓

樂史寰宇記開封縣望京樓城西門樓本無名唐文宗太和二年節度使令狐綯重修因登臨賦詩曰夷門一鎮立經秋未得朝天未免愁因上此樓望京國便名樓作望京樓唐詩紀事李益不見用及爲幽州劉濟營田副使獻詩有感恩知有地不上望京樓之句左遷右庶子

苦憶東樓上初飛夏日霜一身容縲綬百口累刊章

復壁蟲絲暗危簷雀語長單車今又過未死重沾裳

苦憶東樓上盧家送酒來偶拈詩一首暫撥悶千廻

初學集詩註

卷第十四

慕燕愁相語簷花笑不開至今秋夢裏昔昔與徘徊

昔昔

列子周穆王篇周之尹氏大治產有老役夫昔昔夢爲國君尹氏昔昔夢謂人僕

苦憶東樓上驅車點筆時魚知釜已熟猿見檻猶疑

敢擬登樓賦聊當絕命辭多君憐芥壁還與續殘碑

猿檻

淮南子倣真訓下篇置猿檻中則與疥壁成豚同非不巧捷也無所施其能也

式

酉陽雜俎大曆末禪師玄覽在荆州陟岵寺張璪嘗畫古松于齋壁符載之贊衛象之詩亦一時

三絕

覽悉加聖焉續殘碑少陵醉歌行詩家筆勢曰無事亦吾壁也

掃趙次公曰

王子敬過戴安道草堂飲安道求于敬文字敬曰我詞翰雖不如古人與君一掃索壁

今山陰草堂碑

是詞翰俱美
德州城西贈別謝太宰

禾黍秋風古廟旁。驅車出餞意何長。蒼生自不忘安石。白首誰能論少陽。袖裏討論還啓事。尊前談笑亦封章。時危道遠應相望。記取臨岐兩鬢霜。

汶上道中逢故人

衰林匹馬尚天涯。寂寞山城菊自花。逐客已非周太史。故人猶是魯朱家。心如老鶴迎秋晚。身似賓鴻傍日斜。悽愴朱梁舊祠墓。汶陽田北看歸鴉。

周太史

史記太史公自序天子始建漢家之封而太史公留滯周南不得與從事故發憤且卒執遷手而泣曰余汶陽田大明一統志汶陽田在泰安州境內即齊

先周室之太史也。人歸魯以謝過者。後人因爲謝過城。

初學集詩註 卷第十四

十一

曲阜道中二首

霜林蕭瑟敝車來。宗國蒼茫正可哀。泗水秋風沉漢鼎。魯邱落日起秦灰。憂時慮與巢鳥切。去國心隨候鴈回。惆悵闕官偏弋滅。郊原牧馬總虺隤。

泗水

史記封禪書秦滅周周之九鼎入于秦或曰宋太邱社亡而禹浚于泗水彭城下其後百

一十五年而秦并天下平言曰周鼎亡在泗水中。今河溢通河臣望東北汾陰直有金寶氣意周鼎其出乎兆見不迎則不至于是上使使治廟汾陰南臨河欲祠出周鼎徐廣曰是後三十七年鼎出汾漢鼎。說苑善說篇孝武時汾陰得寶鼎羣臣賀陰漢鼎曰得周鼎待中吾邱壽王獨曰非周鼎也。名而問之對曰周德無所不通上天報應傳爲周出故名曰周鼎今漢自高祖繼周至陛下徵祥畢見天昭有德寶鼎自至乃漢鼎非周鼎也。

百里平鄉氣鬱蔥，奎婁近直素王宮。人家紅柿茅茨外，野店黃花灌莽中。日落郊垌瞻魯道，霜清塲圃繪幽風。齋心午夜渾忘寢，肅穆寒燈一穗紅。

灌莽鮑明遠蕪城賦
灌莽杳而無際

崇禎十一年九月十五日謁 孔林越翼日謁

先聖廟恭述一百韻

魯甸千年國尼邱，萬代師廟堂周制備。秩祀漢官爲林殿，遙相竝宮牆。儼在斯乾坤三代後，日月大明時。舊里標歸德新宮，叶會斯東家雜記云孔廟西南二傳四方諸侯慕先聖之德而至多從此門入駿奔如有事，仰止遂吾私。歷

初學集詩註 卷第十四

主

歷奎婁楚行行濟汶涯，天門開泰岱地脉導淄濰。誕

睿星精降

襄公二十二年冬十月庚子日先聖生是日有二龍繞室五老降庭五老者五星之

精徵符斗玉垂

孔子修春秋經齋戒面北斗而拜告備于天有赤虹自上而下化爲黃

玉有刻文孔子卒以所受黃玉葬焉見宋書符瑞志

佳城象緯合玄宅，鬼神治

邱壟猶堂谷封塋

子貢廬家室今尚在漢光

武坐孔子講堂顧指子路室謂左右曰此吾大僕之室也

駐蹕想旌旗宋真宗東封回莫謁

孔林坐墳北亭上今名駐蹕亭

開闢藏元氣，衣冠用羽儀。石壇皆禮

器，銳覺比宗彝

皇覽孔子冢以旒覺爲祠壇方六尺與地平

異植中梁木

殊名辨雜離

史記法冢瑩中樹以百數皆異植有枌柞雜離女貞五味芻檀之樹護訶

荆棘屏恭敬，鳥禽知

孔子瑩中不生荆棘及刺人草禽鳥不敢遺矢顏子冢但無荆

棘耳素節金天肅高林玉露滋東瞻日觀近南指帝車

移王勃廟碑帝車南指迤逝七曜于中階一公云有是之神無位聖人當出泗水秋風下

防山夕照馳防山在孔林東三十里綢杠雲纓繡緜草葳蕤

先聖未生麟吐玉書于闕里顏氏以繡緜繫麟角及大野獲麟其絃尚在鳥習絃歌語林

傳治任悲天香流灌莽地籟響陵陂入孔子墓門草木無風異香噴

涌展謁渾如夢低回詎忍辭已上敘拜墓祀端門何後敘謁廟之事端門何

巖巢滌東南二里魯城有門曰端門即子貢往候血書之處魯道正逶迤孔里

今真到斯文不在茲平生懷灑掃一旦拜壇堦祓殿

降婁直中階七曜窺周阿帶陵阜飛閣壓城陴藻井

螭頭攬虹梁鳥翼楹秋陽明象設白道麗罕恩儼若

初學集詩註 卷第十四

龍蹲在寧云鳳德衰華冠章甫飾象佩袞衣宜玄聖

今當宁羣賢舊攝齊顏曾陪劍履堯禹接鬚眉法象

星鈴吐風雲準角摘偶形閑揖讓屋壁隱金絲頌禮

繆壇樹義文錯院枝先聖手植檜如篆籀之文皆左紐檜身憑曲几

先聖畫像有執玉壺據曲几而坐杏幹俯緇帷廊廡丹青剝觚稜風

雨欺戟門徒蠹立奎閣半撐支暗網縈秦籍炎光燎

漢碑褒成元始爵籩豆太牢祠射飲空亭井尊雷亦

戲燼高門猶女謁廟東南二里有門曰高門齊幕自齊人遺女樂陳于高門外

優施人邑朝歌劇初筵屢舞傲謁墓還宿衍聖公府第公請以女樂行酒

余力却之質明起謁麻具飯命第質明如有見每事

優歌以侑食力辭不得遂趨而出

問於誰几席頻蠲拭琴書獨嘆噫可能長夜旦終感
哲人萎泯絕登牀識恓惶曳杖辭三家無甲第六族
有餘黎麟野長蒼莽龜山故蔽虧頽宮蟠翠柏射圃

綻紅黎劫火青陽冢少皞陵在魯城西輪風路寢基

魯靈光殿恭王因魯僂基兆而營卽路寢也驅車良愴况立馬重嗟咨此已

下感歎于斯文流俗援据闕里宗國金鏡文奚喪珠

並春秋時事覆逆書之語無倫次囊道漸隳赤書符泰運縹筆替洪規孔子因曾參孝

考經漫漶三年學榛蕪九達達師承譎亥豕文字變侏

離玉策爭塗乙金編互黜咄冥塗紛擿揠疾扇滌

詠誦法宗無子奔趨廟有尸謀身庾釜切從政斗筲

初學集詩註 卷第十四 十四

危已下雜引家語左傳國語兩觀疏刀鋸三雍競鼓吹介雞私室

鬪獲鴈野人嗜重錦鄰爭覬封弓盜竊闖飲羊羣狡

獐穿狗竝狐疑網漏專車骨詆深一足夔陽街窓雨

備火歷過天司俎豆荒文事封疆失死綏幾年通肅

慎何計却萊夷釋甲公徒踞扶任國俗濟矢矜三寸

激弓傳六鈞奇負載非無策踰溝亦有詞穰禾田賦

盡風草竹刑靡復宇論嘗許歸田數鄆龜作宮還頌

闕侑器請觀欽南服包茅阻東郊牯馬疲詎聞呼赤

狄忍見長黃池去去傷宗國悠悠泣路岐以下自敘生平去國

亦雜引修容過鄒魯流涕問桓僖皓首懷鉛藁童年

憶佩麟韋編慚未絕丹漆夢相隨劉總夢執丹漆器隨孔子東行 宣

海乘桴邈十六國春秋魯人從海失津至于甌州遇仲尼七十子遊海上指以歸塗東家雜記

云其說神異魯人尙能言之昌門曳練披憂心殊悄悄削跡正纍

纍雀語紛啁晰鶴歌獨涕洟無才能擇木有智不如

葵繆綫吾窮矣迷陽遂已而人呼爲喪狗自笑似蒙

俱彘落朋徒在河流道路彌楚弓無可得魯寶載安

之朽木容雕飾殘生畏湟緇詠歸聊點爾學稼亦焚

遲詎敢偷懷璧用丹書男子張伯懷璧事終然守誦圭紀雲徵外

史問日比羣兒龍室藏誰守麟臺筆可追禮亡綿葛

近書亂玉杯遺河雒紆鈎擿魯相史晨祠孔廟奏銘云鈎河擿卻捺未然

初學集詩註 卷第十四 五

孝經春秋既成孔子告備于天使曾子抱河維事北向春秋河雒凡八十一卷此其事也羹牆許

誦維九家陳篋衍七畧奏笙箎原室惟環堵顏瓢可

樂饑願同齊隱士齊肅拜書詩見南齊滅梁緒傳

堂斧家語孔子葬于魯城北泗水上藏入地不及泉而封爲偃斧之形高四尺樹松柏志焉

鯉思樂史寰宇記伯魚墓在孔子墓東二十里方山下網杠爾雅釋天降婁奎婁也郭

以白地綿韜旗之竿治任也正義曰治擔任將七曜段柯古西陽雜俎燕

歸降婁爾雅釋天降婁奎婁也郭七曜段柯古西陽雜俎燕

公讀王勃夫子學堂碑曰帝車至大甲四方悉不

解讀之一公一公言北斗建于七曜在南方有是

之祥無位白道李商隱無題詩白龍蹲御覽春秋 龍蹲御覽春秋 聖人當出白道道紫迴入暮霞 龍蹲御覽春秋 孔子長十尺大九圍坐如蹲龍李燾長編大 玄聖中祥符元年

上至文宣王廟莫拜諡加諡曰立聖文宣王孔子
演孔圖曰孔子母夢感黑帝而生故曰立聖莊子

之道遂取以為稱 **星鈴** 堂碑銘降靈鄒邑誕哲平

鄉月角摘彩 緇帷 莊子漁父篇孔子遊乎緇帷之

日緇墨也時于江濱休息林籟其林鬱茂蔽日

陰沈布葉垂條又如帷幕故謂之緇帷也 **褒**

成 漢書平帝紀元始元年封孔子後孔均為 **優施**

穀梁定公十年齊人使優施舞于魯君之幕下孔

子曰笑君者罪當死使司行法焉首足異門而出

登牀 論衡實知篇孔子將死遺讖書曰不知何一

我衣裳至沙邱而亡其後秦王兼吞天下號始皇

巡狩至魯觀孔子宅乃至沙邱道病而崩又曰董

仲舒亂我書其後江都相董仲舒論思春秋造著

傳記又書曰亡秦者胡也其後二世胡亥竟亡天

下用三者論之聖人 **擿埴** 法言修身篇擿埴索塗

後知萬世之效也 **大** 冥行而已矣李軌曰埴

土也盲人以杖擿地而求 **獲鴈** 左傳哀公七年曹

道雖用白日無異夜行 **獲鴈** 入或夢眾君子立

丁社官而謀亡曹曹叔振鐸請待公孫彊許之且

而求之曹無之戒其子曰我死爾聞公孫彊為政

初學集詩註 卷第十四

大

必去之及曹伯陽即位好田弋曹鄙人公孫彊好

弋獲白鴈獻之且言田弋之說說之因訪政事大

說之有寵使為司城以聽政夢者之子乃行彊言

霸說于曹伯乃背晉而好宋宋人伐之晉人不救

築五邑 **封弓** 穀梁定公八年盜竊寶玉大弓實玉

于其邕 **封弓** 者封圭也八弓者武王之戎弓也

穿狗 家語季桓子穿井獲如土在其中有羊焉使

使問孔子曰吾穿井而得一狗何也孔子曰

丘之所聞者羊也丘聞之木石之怪夔 **陽街** 楊炯

岡兩水之怪龍罔象上之怪犢羊也 **陽街** 遂州

長江縣先聖廟堂碑星移大火 **火歷** 左傳哀公十

追責天司月入陽街無勞兩備 **火歷** 二年冬十二

火猶西流言未盡沒知 **萊夷** 家語公與齊侯會夾

是九月歷官失一問 **萊夷** 谷齊使萊人鼓譟劫

初學集詩註

卷第十四

七

定公孔子歷階而進曰吾兩君為好喬夷釋甲左

昭公二十五年公居于長府伐季氏叔孫氏之司

馬駸駸言于其眾皆曰無季氏是無叔孫氏也駸

戾日然則救諸率徒以往陷西北隅六鈞左傳定

公侵齊門于陽州士皆坐列曰顏高之弓六鈞皆

取而傳觀之杜預曰三十斤為鈞六鈞百八十斤

古稱重故負載左傳哀公八年吳人行成將盟景

伯負載造于萊門乃請釋子服何子吳踰溝左傳

吳人許之以王子始曹當之而後止踰溝哀公

十一年師及齊師戰于郊師不踰溝樊遲曰非

不能也不信子也請三刻而踰之如之眾從之稷

禾魯語其歲收田一井出獲禾秉芻五粟復宇魯

先王以為足韋昭曰稷六百四十斛也復宇魯

頌閔宮章居常與許復周公之宇箋云許許田也

常在薛之旁春秋莊公三十一年築臺于薛是與

周公常有常邑特馬書費誓公曰今唯淫舍牝牛馬

許田未聞也特馬孔氏曰今軍人唯大舍牝牢之

牛馬言軍所在必放牧也俘赤狄左傳宣公十五

正義曰牝即閉牢之謂也狄有赤狄其俗尚赤

赤白之間各自別有種類謂之赤白益其俗尚赤

衣白雀語論語正義舊說公冶長解鳥語故繫之

衣也雀語縲紲汝南陳耀文正揚論語疏公冶長

辨鳥雀語云啗啗噴噴白蓮水邊有車覆粟車脚

淪泥犢牛折角牧之不盡相呼共啄人驗之果然

鷓鴣汝南陳耀文正揚韓詩內傳云孔子渡江見

鷓鴣異之眾莫能名孔子嘗問河上歌云鷓鴣

今鷓鴣逆毛衰今一身九尾長今大戴禮注引

韓詩內傳云鷓鴣胎生孔子渡江見而異之智

如葵

家語孔子曰鮑疾子食于淫亂之朝不量主

其迷陽莊子人間世篇孔子適楚楚狂接輿逆其

足迷陽門曰迷陽迷陽無傷吾行郭象曰迷陽猶

亡陽也亡陽任獨不蕩于外則吾行

全矣司馬云迷陽伏陽也言詐狂

桑落孫卿子

楚千陳蔡之間七日不食曰居不隱者思不生

玉

身不隱者志不廣如庸知我不得之桑落之玉

杯漢書董仲舒傳說春秋事得失間舉九家漢書藝文志諸子十家其可觀者九家而已任彦昇齊竟陵

文曰易傳淮南九師道訓者淮南王安所撰也漢

書音義曰淮南王安聘明易者九人號九師說

七畧漢書藝文志劉歆總羣書而定為七畧故有

畧有術數畧有六藝畧有諸子畧有詩賦畧有兵書

有方技畧宣尼生庚子曰拜詩書南齊書臧榮緒傳榮緒序愛

陳五經而拜之五經乃著拜五經序論常以

濟上逢嘉禾項仲展

相逢無復問乘車。執手潛然涕淚初。劍外官人君若

此山頭。廷尉我何如。形容變盡風霜在。軀命偷回骨

肉餘。南國總看驚鷓鴣。東門方擬祀爰居。妻風易撼

初學集詩註 卷第十四 七

巢枝鳥逆浪偏衝。失水魚忽漫又看成。別去低回更

復嘆歸與。黃花著雨秋英老。紅柿經霜碩果餘。長祝

清瀾知汝濟。郵筒類寄一行書。

劍外官人少陵逢唐興劉主簿弟詩劍外官人冷關中驛騎疎山頭廷尉晉書

蘇峻傳峻勒兵自守朝廷遣使諷諭之峻曰我寧山頭望廷尉不能廷尉望山頭

淮上舟中

好在長淮問渡時。秋風今日是歸期。雨中燈火揚州

近。夢裏簫笳楚戍移。去國慣如秋燕急。還家慵比暮

鴉。遲可憐。跨下橋邊水。淮口東流不盡悲。

高郵道上家人拏舟相迎喜而有作

甕社湖頭暮槩催長風却送布飄開如依拂水垂楊
坐似載西湖明月來綠水茶煙偏蕩漾紅蘭燭影故
低回榜人欲奏同舟曲鄰笛斜陽莫漫哀

甕社湖 王象之輿地紀勝甕社湖離高郵城三十里

十月朔日抵廣陵二首

隋苑荒臺葉不飛竹西歌吹正依稀流螢尚作蕪城
夢跨鶴真同華表歸舊事月明空在眼新愁水調欲

沾衣猿離灣畔孤墳在萬點零鴉送落暉故人顧所建夏國公

黜脩也墓在旅離灣

竹西歌吹 杜牧之題禪智寺詩誰同竹西路歌吹是揚州 流螢 隋書煬帝紀大業十

初學集詩註 卷第十四

九

二年上于景華宮徵求螢火得數斛夜出遊山坡之光遍巖谷 蕪城 樂史寰宇記蕪城卽州城

古爲邗溝城也漢已後荒毀 月明 羅隱夜泊秦淮宋文士鮑明遠爲賦卽此

狂竟鼻應過 水調 樂苑曰水調商調曲也舊說水揚州看月明 曲成奏之 聲韻怨切王令言聞而謂其弟子曰但有去聲而無回韻帝不返矣後竟如其言

晚歲生還喜劇悲故人執手淚先垂共嗟餞訣雷塘

路恰是逢迎蜀井期幕裏芙蓉人似玉 廣陵鄭超宗在鄭潛庵使

君慕 中 渡頭揚柳髻如絲市橋殘酒瓜洲笛明日京江

繫我思

雷塘 樂史寰宇記雷塘在江都縣北十里煬帝葬于其地 瓜洲笛 李肇國史補李牟秋

夜吹笛于瓜洲舟楫甚隘初發調羣動皆息及數奏微風颯然而至又俄頃舟人賈客皆有怨嘆悲

泚之聲

硯山詩為華山道開上人賦

雲生搖筆處。月駐點經時。硯北何人見。壺中自可窺。

坡陀懸石鼓。空翠涌天池。舉似華山老。蓮峯倘在茲。

硯北

張邦基墨莊漫錄。臯以道感事詩云。于戈艱作牆東客。疾病猶存硯北身。用避世精東王君公事而硯北身乃漢上題襟集段成式書云。杯

宴之餘常居硯北。又云筆下詞文。硯北諸生蓋言几案南面人。壺中東坡壺中九華詩序。湖口人李

坐硯之北也。壺中正巨蓄異石。九峯玲瓏宛轉。名且以詩紀之。石鼓范成大吳郡志。吳西界有華

因曰華山。山上有石鼓。山上生千葉蓮。華服之羽化有大壑曰天池。最佳處也。

送蕭季公歸泰和

初學集詩註 卷第十四

無計留君住。停杯且一歌。江湖鴻鴈闊。天地甲兵多。

歲晚孤舟別。寒空片帆過。遠行須吉日。期子慎風波。

片帆

王林野客叢書。飛人使風曰帆。風帆字作去聲。呼柔唐韻去聲。有此一音。是以張說之律

詩曰。夏雲隨北帆。同日過江來。楊慎詩話。帆字符咸切。舟上慢也。又扶洗切。使風也。舟慢則平聲。使

風則去聲。蓋動靜之異也。

次韻答金壇于惠生二首

千重地肺一溪雲。便關東牕隔世氛。五百年前逢薊

子。三層閣上禮茅君。曲城已種交梨樹。連石新栽倒

薤文。咫尺慧車棲隱地。滿頭白髮愧繽紛。

便闕

真誥稽神樞。句曲山古人謂三層閣。南史陶弘景傳。為金壇之虛臺。天后之便闕。

定築三層樓，弘景處其上。弟子居其中，賓曲城真。
客至其下，與物遂絕。唯一家童得至其所。
稽神樞，河圖內元經曰：地勝土良，水清連石。真誥
句曲之山，金壇之陵，可以度世上升。
樞：大茅山中茅山相連長阿，倒薤陶九成書史會
中有連石古時名爲積金山，倒薤要仙人務光股
湯時避天下于清冷之淵，植薤而食。慧車真誥稽
清風時至，見其積葉倒偃，爲倒薤書。慧車神樞淳
于斟入吳鳥日山中，遇仙人慧
車子，授以虹景丹，經修行得道。

菘苑誰能先子鳴，難將斗石量才情。相如錦繡堪爲
質，子美波瀾獨老成。欲折江梅傷歲暮，相思春草喚
愁生。無緣重酌論文酒，自詠殘編啜菜羹。

戊寅除夕偕孟陽守歲時蕭伯玉僑居春暉園
歸來喜得共茅蓬，又餞流年爆竹中。繞屋松楸停早

初學集詩註 卷第十四

三

雪緣堤桃李遲，春風梅憐分張衝。寒白燈惜團圞破
曉紅，明日還尋抱關叟。以蕭望之喻伯玉 蹇驢應過小橋東

抱關叟漢書蕭望之傳望之署小苑東門候王仲翁出入傳呼甚寵謂望之日不肯碌碌反

抱關爲望之
日各從其志

牧齋初學集詩註卷第十五

箋後人錢 曾 遵王箋註

茗南 鈔訂

東海朱 梅 朗巖分校

丙舍詩集上

起十二年巳卯正月盡一年

巳卯元日次除夕韻

衡門兩版啓蒿蓬。世事年光在眼中。澗水欲寒經快

雪。梅花未落受輕風。畿南候火千峯赤。闕下祥雲五

采。經邱報傳闕下有五彩雲見蚤約鄰翁占上歲。共看幡信到牆

東用崔遠微立幡護花事

初學集詩註 卷第十五

快雪

二王帖日錄米禮部云右軍快雪時晴帖今世無右軍真字此當為真字帖

次前韻簡伯玉

廿年踪跡兩飄蓬。忽漫因依昔夢中。地近牛鳴俱隔

歲。身如鷁羽各驚風。鏡奩滅藥鉛華白。齋閣添經蠟

炬。紅澗戶餘寒人寂歷。憶君疑在虎谿東。

次韻答東鄰李孟芳

度阡越陌最情親。乞米分甘念我貧。七尺艱難歸故

里。百金容易買芳鄰。爭教麋鹿為生客。互與松蘿作

主人。黃閭勳名休借問。飄龍領下已三巡。

買芳鄰

梁書呂僧珍傳宋季稚市宅呂僧珍問宅價日一千一百萬怪其貴李稚日百萬買

字千萬
買鄰

立春日喜蕭季公却廻兼示伯玉孟陽次除夕

韻

江天歲晚憶孤蓬。却喜同舟似剡中。將子能來如暮
雪。與君俱到有春風。數椽嫩蕊盡催頭。白一握衰顏發
酒。紅扶杖策驢。看我輩書圖。應在谷林東。

將子

穆天子傳西王母謠曰將子無死尙能復來

谷林

盧知州琴川志出秋報門循山

而西過吳王廟五六里有光淥亭又其西曰谷林參議處似平之圃

疊前韻有寄

世情翻覆總飛蓬。萬事輪君高卧中。下若溪邊沽酒

初學集詩註

卷第十五

二

雪大寒山畔。採茶風春來池草生。新綠雨後庭梅綻
小紅。遼落江天回首處。藝香堂下石城東。

藝香

樂史寰宇記藝香山在長興縣北一十五里卽西施種香之所

石城

輿地紀勝石城

山在烏程縣西南三十里昔烏程豪族嚴白虎于山下累石爲城與呂蒙戰所

題陸叔平滄桑對奕圖贈稼軒五十初度

去年琅璫燕山頭。天荒地老神鬼愁。今年燕喜虞山
陽。風恬雲暖化日長。眼中陵谷有如此。何異揚塵看
海水。花深西墅列長筵。瓜熟東臯會鄰里。高堂擊鼓
吹笙竽。觥籌交錯絲肉俱。蓬山瀛海挂四壁。就中忽
見滄桑圖。君不見仙家日月非歲年。滄海倏忽成桑

田洞中之樂比橘裏兩翁對奕知誰先一翁斂手欲
却顧沉吟猶恐一著誤一翁超然似晏處目無棋枰
手不舉斜飛殘角未爲傾自古英雄少全局局裏滄
桑人不知推枰一笑何榮辱與君酌酒莫逡巡紛紛
朝市又生塵夜露未晞賓旣醉人間已有爛柯人

歸來泉歌答金壇于惠生曹汝真

老夫幽繫經歲年歸來舍下新流泉以歸名泉聊自
慰扶杖閒咏歸來篇何緣此泉落人口述異搜奇到
吾友于公作頌如清風曹子歌詩比瓊玖哦詩奏頌
泉之畔真珠瑟瑟相凌亂清音逸響間絲竹拂水飛

初學集詩註

卷第十五

三

流起天半去年大旱山欲漉土膏焦枯礪道圻崇朝
雲雨長佇壑舊井汙泥空歎息山僮報我泉眼開一
縷看從礪底迴沾濡乍與針芒應澤沸俄隨鋤耨來
人言此泉神所予天與歸人相勞苦湧出真堪薄醴
醪餘潤猶能長毛羽再拜謝客君毋庸老夫詎敢貪
天功皇天老眼大如許豈爲區區一裸蟲若言爲我
出此泉向來旱涸誰使然偶因鑽火符昔夢敢擬卓
錫稱前緣小桃舒紅落梅白小寒山中茶欲摘松風
徐吹石火新鑪煙輕颺紗帽側遲君雙屐到漁灣嘯
咏新泉古礪閒賡將詩筆評泉品何似匡山與惠山

針芒

後漢書陳忠傳隄潰蟻孔氣洩鍼芒臣賢曰黃帝素問針頭如芒氣出如篋也

卓錫

徐堅初學記南岳思大禪師自大蘇山趨南岳為衆講般若法南北學徒慕義而來師思無水忽見巖下澗以錫杖盧仝謝孟諫議寄新茶詩柴草之果得一泉紗帽門反關無俗客紗帽籠頭自煎匡山惠山歐陽修大明水記世傳陸羽茶經未水記始云羽為李季卿論水次第有二十種盧山康王谷水第一無錫惠山石泉第二

晉安徐興公過訪山中有贈

衰衣應杖到松蘿晴曉柴門散雀羅古磻寒生流水

靜閑庭客到落花多偉長舊著推中論孝穆新聲入

豔歌與公子存永能為豔詩聞道五車仍插架載書何日許重

過

初學集詩註 卷第十五

四

中論魏文帝與吳質書偉長著中論二十餘篇成一家之言辭義典雅足傳于後此子為不朽

豔歌徐陵玉臺集序選錄豔歌凡為十卷

海寧張元帖借許元忠過訪

回首清江古渡邊夕陽戀別又三年人閒芳草生樵

徑風定梅花落釣舫尊酒細論思舊雨後堂深坐聽

新泉歸與投老終何恨吾黨于今亦斐然

曲江歌十絕句奉寄香山何相公

風度祠前春草多漁陽鼙鼓復如何請看嶺海生明

月金鏡于今尚不磨

風度祠

祝穆方輿勝覽張相國祠在韶州郡東麓在武臨源

賦成白羽若爲工團扇依然在篋中莫爲提携感移
奪君恩容易比秋風

孤榮歲晚見庭梅仙禁曾傳紅藥詩庾嶺梅花千萬

樹春風還在向南枝子詩曾於紫微庭分賦芍藥香
山亦有閣中牡丹詩一時傳誦

偃月堂深仗馬閒一鵬雙兔並朝班書生漫自誇前

識只恨胡雛軋犖山雙兔指公與茂苑文
相公一鵬益有所屬

一鵬雙兔明皇雜錄張九齡泊裝耀卿罷免之日
自中書至月華門將就班列二人鞠躬

早遜林甫處其中抑揚自得觀者竊謂一鵬挾兩

兔俄而詔張裴爲左右僕射罷知政事林甫怒曰

猶爲左右丞相耶二人趨就本班林甫目送之公

卿以下視之不覺服粟羹曰茂苑以講筵稱旨特

簡人閣烏程雖忌之而亦無以問也後因論鄭鄭

遷除大相齟齬未幾用許譽卿事并香山而逐之

初學集詩註

卷第十五

五

譽卿以工科補南太常烏程操資俸兼論之說以
難許家臣謝陞特疏紂劾茂苑止粟擬罰俸大拂
烏程意爭之力遂擢筆正言曰卽削籍無害烏程
擬其語入告揭夕上而朝罷矣文與何辭朝之日
卽溫開籍見朝之日堂吏傳報相對一揖前識安
不交一語而退所謂一鵬挾兩兔者非耶

山事迹張守珪冷祿山奏事九齡見之謂裴光庭

日亂幽州者必此胡也開元二十四年祿山詩契

丹失利守珪奏請斬之九齡批曰稷直出軍必誅

莊賈孫武行令亦斬宮嬪守珪令又執奏請誅

宜免死玄宗惜其勇但令免官九齡竟不誅至建
中之年德宗以九齡

先覩未萌追贈司徒軋犖山安祿山事迹祿山營
州雜種胡也母阿德

氏爲突厥巫無子禱軋犖山
神應而生焉遂命名軋犖山
曲江祠畔乳蕉黃春社雙歸燕語長莫向水晶宮裏
去月堂無復舊雕梁昔人名吳興
爲水晶宮

乳蕉皮日休送李明府詩
乳蕉花發訟庭前

乘春海燕又飛迴。鷹隼而今已罷猜。箭口銜泥誰省

識。舊巢仍向玉堂開。

鷹隼本事詩張曲江與李林甫同列林甫疾之若仇
曲江度其巧譎慮終不免為海燕詩以致

意口無心與物競鷹隼莫相猜亦終斥退

梨園曲斷雨淋淋。望祭江干淚滿襟。還道遺恩輸越

相。鐵胎那得比黃金。唐子西云張相廟鐵胎詔人相傳以為明皇悔時所鑄此詩專

傷茂苑而作

雨淋淋楊太真外傳上至斜谷口屬淋雨涉旬于棧道雨中聞鈴聲隔山相應上因採其聲

為雨霖鈴曲望祭李肇國史補玄宗至蜀每思張曲江則泣下遣使韶州祭之兼賚貨幣以

初學集詩註 卷第十五 六

恤其家其誥辭刻于白石山屋壁間唐詩紀事鄭淵津陽門詩移文泣祭昔臣墓注曰駕至蜀詔中

貴人馳祭張曲江鐵胎笮翁貴耳三集曲江有二墓悔不納其諫也鐵胎奇張相公以鐵鑄六祖禪師以銅鑄俗諺云鐵胎相公銅身六祖鐵胎有二身一在廟一在庠銅身在大鑿寺黃金越語

范蠡乘輕舟以浮于五湖王命金工以黃金寫范蠡之狀而朝禮之

荔子休嗟命不工。細枝黛葉薦薰風。彫盤省見京華

色。五嶠還思進九重。子壽荔枝賦云亭十里今莫致門九重今曷通何斯美之獨遠

嗟爾命之不工

細枝黛葉子壽荔枝賦紫文紺理黛葉細枝

開元典冊頌龍池。勃律金城畫詔時。惆悵暮年雲路

和。有人煙艇問殘碑。

龍池唐詩紀事龍池與慶官池也明皇潛龍之地張九齡撰龍池頌刊石興慶宮書詔

新唐書張九齡傳賜渤海詔而書命烟艇哀詩八

然足好者乃名九齡復與雲路永未云再讀徐孺碑猶思理

烟艇九齡徐徵君碣云有唐開元十五年子忝列

茲邦風流是仰在懸榻之後想見其人有表墓之儀豈孤此地

席莫以香山擬曲江

風度新唐書張九齡傳後帝每用人必曰風度能若九齡乎右地少陵入哀

崢嶸天地日蛙退食吟大庭何心記榛梗骨驚

畏曩哲巽髮負人境雖蒙損蟬冠右地惡多幸唐

詩紀事注曰侍中冠加豹蟬九齡為相以風雅為

初學集詩註卷第十五

七

匠地烽烟避海漕普天飛輓湧雲濤豈識敖倉

計庾氏徒煩仰屋勞川瀆效靈輸萬斛魚龍銜尾護

千艘至尊旰食臨東渭鼓吹延君建節旄

東渭新唐書劉晏傳元載盡以漕事委晏故晏得盡其才歲輸始至天子大悅遣衛士以鼓吹

逐東渭橋馳使勞飛輓漢書主父偃傳飛芻輓粟

日卿朕斃侯也師古曰運載芻粟令其疾

至故曰飛輓也漁陽遼海尚紛拏粳稻東吳歲運賒鐵甕雲帆連析

木金堤春水泛桃花過淮燕賞兼歌杜抵潞風光正

及瓜一石幾鍾憑奏報忍令膏血等泥沙

金堤相如子虛賦嬾娒勃窣上金堤師古曰金堤言水之隈塘堅如金也一石幾鍾

漢書食貨志時又通西南夷道作者數萬人千里負擔餽饗率十餘鍾致一石主父偃傳率三十鍾而致一石師古曰六斛四斗爲鍾計其道路所費凡用百九十二斛乃得一石至

太和蕭伯玉自白下過訪假館稼軒西園過從促數且有判年之約忽焉告別驪駒在門扳留不皇分張多感賦詩十章以當折贈云爾

忽漫竟成別悽惶無奈何已知當飲餞不忍唱驪歌水國春風晚離亭落日多暮年容鬢在且莫歎蹉跎判年少陵重過何氏詩相留可判年

楊柳縈離思桃花綻祖筵不堪臨遠道况值好春天言別俄分手相留憶判年匆匆來又去錯莫總堪憐

初學集詩註

卷第十五

八

南浦漁灣畔東亭水閣前眼猶牽解纜心欲刺歸船離緒多春草愁懷黯夕煙若論疇昔事小別已千年婉孌將分袂蒼黃欲灑衣送君傷水綠怨別詛花飛

竿鳥

少陵夜宿西閣曉呈元曹長詩檣鳥宿處飛趙次公曰檣竿上刻爲鳥形以占風耳

吳越昇平地携家信短篷船牕楊柳月帆背杏花風兵火愁眉外江湖冷節中羽書頻阻絕停職問郵筒

冷節

樂天酬鄭二司錄寒食日同宴詩偶因冷節會嘉賓况是平生心所親

屈指行藏計君其問水濱東遊還有伴西笑更無人泛艇隨漁婢浮家逐鴈賓扁舟誰省記南斗一孤臣

魚婢

白樂天僉蟲詩江魚羣從稱妻妾注曰江池問有魚每遊輒二如媵隨妻一先二後士人號為婢妾魚樂史寰宇記陸

陽湖中有明府魚婢魚奴魚

指點歸帆地春浮百畝園水天爲界限雲樹作籬樊

夜雨蕭蕭靜秋聲竹逕繁相思何處切初月在東軒

來往無多地經過不速期蹇驢溪女笑藜杖野人知

應氏樵蘇日麗家作黍時春盤生菜好節物重相思

龐家

後漢書龐公傳注襄陽記曰司馬德操嘗詣德公妻子使作黍徐元直向云當來就我與德公談其妻子皆羅拜于堂下奔走供設須臾德公還直入相就不知

何者是客也

南國無衣賦中原板蕩憂臨河能不歎蹈海亦堪羞

初學集詩註

卷第十五

九

生計東風策前期夜雪舟還須憑快閣極目攬神州

快閣在大和縣黃魯直詩云快閣東西倚曉晴

東風策

元遺山春日書懷呈劉濟川詩流年又見東風策注曰東風策見本草菜部

古人嗟贈處斯義在今朝馬肆長宜閉羊裘莫浪招

時清危部黨世難穩漁樵共飽殘年飯音書慰寂寥

馬肆

白氏六帖漢公孫弘爲丞相開東閣延賓客至劉屈氂爲相壞爲馬廄

殘年飯少陵遇王倚飲贈歌但使殘年飽吃飯只願無事常相見

春夜看真武殿點燈次壁甫韻

春燈萬樹亂雲蘿粧點昇平樂事多紺殿香烟浮水

齋朱縷絃管沸巖阿緣堤語笑花間出促席芳塵暗

裏過歡飲莫辭今夕醉垂楊已離麴塵波

水齋

屈原九歌蛟何為兮水齋五臣曰水齋水畔也

上巳日即事

烟靄空濛歷翠微春郊上巳澹芳菲
禊除正愛清流好霑濕何妨急雨飛
新柳碧堪浮酒面小桃紅欲上人衣
秉簡士女相看謹芍藥爭教折贈歸

寒食偕孟陽壁甫山行飯破山寺

肩輿作伴覽新晴綠樹紅芳艷復清
過雨烟巒如拂拭穿雲澗瀑故回縈
頻於流水喧中坐儘向春山好處行
記取今年作寒食僧房麥飯午鐘聲

初學集詩註

卷第十五

十

清明河陽山上冢感嘆而作

清明山色滿河陽麥飯依然祀享嘗
尚有餘生上邱墓能無老淚灑衣裳
村童放學風箏急野叟迎神社鼓忙
莫忘先人遺畝太平今日在江鄉

河陽

盧知州琴川志河陽山一名風箏事物紀原鳳凰山在縣西九四十五里

紙為俗謂

之風箏相傳云是韓信之作高祖征陳豨信謀從中起故作紙鳶放之以量未央宮遠近欲穿地隧入宮中也

陽羨相公枉駕山居即事賦呈四首

閣老行春至山翁上冢回
袞衣爭聚看棋局漫相陪
樂飲傾村釀和羹折野梅
綠堤桃李樹一一為公開

上冢 後漢書岑彭傳
有詔過家上冢

黑頭方壯盛。綠野正優游。月滿孫弘閣。風輕傅說舟。

鳴夷看後乘。戎馬問前籌。側席煩明主。袁山自可求。

黑頭 世說鑿篇諸葛道明初過江左各亞
王庾之下丞相謂曰明府當為黑頭公 綠野

新唐書裴度傳午橋作別
墅具煥館涼臺號綠野堂

堤柳眠風翠。樓花笑日紅。穠華欺冷節。妖艷仗天工。

舟楫浮春水。車茵愛晚風。暫時憂國淚。莫灑壽橋東。

若問山東事。將無畏簡書。白衣悲命駕。紅袖泣登車。

甲第功誰奏。歌鐘賞尚虛。安危有公在。一笑偃蓬廬。

白衣紅袖 少陵送郭中丞詩內人
紅袖亦王子白衣行

初學集詩註 卷第十五

十一

山中得范質公司馬削籍報聞將卜居吳下喜

而有作

空山小雨破春寒。秋水樓頭正倚闌。見說范公新去

國。恰如貢禹舊彈冠。旋呼鶴使催花信。更掃漁灣整

釣竿。老屋三間幾兩屐。相將同入畫圖看。

削籍 公諱景文字夢章吳橋人武陵起復國論滄
騰公在南都率九卿論劾上震怒除各為民

春深草碧闔閭城。夢裏華胥自玉京。校卜名花勾舞

蝶。鎗除密樹引流鶯。槍旗盃底觀茶戰。幟纛尊前試

酒兵。莫學鳴夷變名姓。五湖蝦菜有誰爭。

四月初六日送春作

今年送春誰最歡。繫臣生還棲故園。驚心軟紅付塵
夢。照眼柔綠開清尊。今年送春誰最惡。燕齊鳥巢
虜幕。壯士白骨枝戰塲。內人紅袖歸沙漠。人生若不
開口笑。束縛山岡倩誰弔。請看今日又春歸。試問何
時再年少。牀頭滄酒猶滿甕。屋下新泉似酒清。桃笙
竹几疎牕好。疊石移花畧豹成。春歸懊惱如何遣。半
是蕭閒半游宴。清陰午寂卷殘書。小院風輕試歌扇。
憑君莫唱渭城歌。舞蝶啼鶯奈爾何。處處落花三月
少年芳草送春多。東風勸爾一杯酒。莫以如新怨
白首。明年把酒迎春仍是今年送春叟。

初學集詩註

卷第十五

十一

束縛山岡吳志孫亮殺諸葛恪以葦席裹其身而
君看束縛去箠束其腰投之于石子岡少陵遣興詩
亦都賦桃笙象篔簹于筒中
志云桃枝南人以爲笙左太冲
劉淵林曰桃笙桃枝篔簹也

拂水競渡曲十首

招屈亭前沅水迴。千年魚腹有餘哀。兒童不解靈均
苦。拂水巖前競渡來。

招屈亭

劉禹錫競渡曲曲終人散
空愁暮招屈亭前水東注

喧呼招屈閣悲傷。擊汰揚桴楚些長。何事南翁三戶
裏。更無人弔楚懷王。

擊汰

屈原九章齊吳榜以南翁三戶

史記項羽紀楚南公曰楚

雖三月亡秦必楚贊曰楚人怨秦雖三戶猶足以亡秦也正義曰三戶漳水津也孟康云後項羽果渡三戶津破章邯軍降章邯楚懷王史記楚世家秦遂亡是南公之善讖云楚懷王楚懷王往會秦昭王至則問武關與西至咸陽因留之二年懷王亡逃歸秦遮楚道懷王走趙不敢入欲走魏秦迫至遂復之秦懷王遂發病卒秦歸其喪于楚楚人皆憐之

五月沅江夾綵旗楚人終古弔三閭吳儂自抱鴟夷恨權把前潮坐子胥

前潮吳越春秋越王葬文種于國之西山葬一年于海故前潮水潘候者伍子胥也後重水者大夫種也

小小吳船裊晨龍張鱗掉尾鬪玲瓏吳兒也學蛟龍樣滅沒翻身高浪中

初學集詩註 卷第十五

三

共駕龍舟戲晚風楊旗鼓浪自為雄羣兒不省船頭畫只道青龍見水中

脚踏潮頭口唱歌吳兒從小狎風波自家身命渾如擲却為他人數鴨鵝

長鬣三呼作水嬉餘皇出沒弄蛟螭乘潮踏浪渾閑

事難道吳兒遜楚兒

長鬣左傳昭公十七年使長鬣者三人水嬉任昉

謂夫差作天池池中造青龍舟舟中盛陳妓樂日與西施為水嬉餘皇杜預曰餘皇舟名

呼噪兒童口尚黃爭標奪采鬪身強須臾鼓罷龍舟退脫却黃衫便下場

爭標

王定保撫言盧肇看競渡于席上賦詩日向道是龍剛不信果然銜得錦標歸注曰錦標

船頭所得

亂流奔進咽通津。畫舫垂楊不動塵。咫尺白頭波浪裏。水邊人看水中人。

船夾蛟螭水怒飛。紅關橋外雨霏微。龍舟唱斷菱歌起。日暮安流蕩槩歸。

大雨後顧九疇侍郎過訪山中

戲撞頭上擲身難。贏得空山一笑看。竟日尚餘憂國淚。百年同飽腐儒餐。朝賢去似春花盡。□□歸如夏雨殘。却望西湖垂釣處。蒹葭落日照漁竿。

初學集詩註 卷第十五

十四

戲撞

張千子西京賦爾乃建戲車樹脩旃依僮程材上下翻翻突倒投而跟絳壁隕絕而復擊

薛綜曰旃植也建之于戲車上也翻翻戲撞形也突然倒投身如將墜足跟反絳植上若已絕而復也

二哀詩二首

劉司空敬仲 樂嗣曲周人

儒雅風流一俊人。死填牢戶亦前因。爾留豈意同囚鬼。臯復應須喚獄神。青簡詩章拋糞土。紫芝眉宇漫灰塵。精靈料得如精衛。河上年年泣負薪。

劉敬仲

劉榮嗣字敬仲號半舫曲周人萬曆丙辰進士以工部尚書總河因駱馬湖運道潰

淤聽門客游土語劍挽黃之議起宿遷至徐州別墅斬河分黃水注其中以通漕邳州上下皆黃河

故道去土尺餘其下皆沙每挑溶成河經宿沙落
河道復平耗沒金錢無算迨引黃水入其中則波
流迅急衝沙隨水而下爲淺爲淤不可以舟三年
積用非成爲南科曹景參疏糾被逮下獄論死戊
寅獄未卒紫芝新唐書元德秀傳見紫芝
解而卒紫芝眉宇使人名利之心都盡

傅給事右君

朝佑臨州人

數載梧垣抗疏聲兩年棘土作書生授經粧黜窮門

面唱曲消磨苦性情

右君效黃霸授經于予每月夜行歌徧獄中

傲骨可

憐緹騎杖芳蒐猶喜諍臣名長安門外春深草一片

朱股血染成

次韻茅孝若無題詩二首

曲房砥舍夜珠初璧月分明入鏡臺網戶有情絲罽

初學集詩註

卷第十五

五

屢穿簾無分燕低迴眉頭黛簇雙心結酒面花浮並

口杯玉樹作枝君未見疎牕先亞一株梅

舊恩今寵故依然桃葉楊枝盡可憐蘭坵芳心因曉

露柳含啼眼爲朝烟天涯蕩子輕紅粉日夕佳人惜

翠鈿但得容華並桃李春風長肯在花前

舊恩今寵

本事詩寧王憲貴盛有賣餅之妻一見屬意厚遺其夫求之寵愛逾等歲餘間

復憶餅師否使見之其妻雙淚垂頰時王座客十餘人皆文士王命賦詩王維先成云莫以今時寵

難忘舊日恩看花滿眼淚不共楚王宮
座客無敢繼者王乃歸餅師以終其志

荷葉鼎詩

屏石上人讀古人詩不飯炊荷葉鼎遂以意爲之以

荷葉裹米。浙而炊之。須臾而熟。香美異嘗。飯已。卯七月過山堂試之。戲作詩記其事。

荷葉田田不可整。持荷作鏡難照影。但聞楚客集爲裳。豈料山僧炊作鼎。長腰玉粒雲子如。汲泉釋米手滌除。露荷新葉與包裹。松風活火頻吹噓。須臾荷香炊旋熟。軟美無煩更淘漉。逡巡應比仙人酒。咄嗟不羨豪士粥。山僧長享粥飯供。折脚鐺邊有誰共。聊將弱葉戲鼎足。更借新炊喚殘夢。老夫飯罷飽撐腸。更有吳羹和稻梁。却笑阿師將客粵。綠荷包飯趁虛忙。

師將游粵西訪劉漁仲

初學集詩註

卷第十五

六

持荷作鏡

樂府採荷詞欲持荷作柱荷弱不勝梁欲持荷作鏡荷暗本無光樂府廣題曰梁太尉從事中郎江從簡年十七有才思爲採荷詞以刺何敬容敬容覽之不覺嗟賞愛其巧麗敬容時爲雲子漢武內傳上元之茹

宰相

雲子

漢武內傳上元之茹風實雲子王津金漿

八月十三夜

高秋雲物映池臺。綽約雙娥逐月來。爭見青天飛玉鏡。拚將銀漢寫金杯。閑愁恰爲清歌緩。殘漏偏教急管催。共惜嬋娟又三五。相期更刺酒船回。

十四夜

湖山罨畫倚秋空。綠浪紅闌清露中。光瑩地將塵世換。便娟人與月華同。河傾酒面天方醉。漏殘歌心夜

未終信宿西園阻游宴應知不樂爲車公石門司成邀宴西園

以病不果

車公晉書車胤傳胤善于賞會當時每有盛會而胤不在皆云無車胤不樂

十五夜

青天絡角月舒波銀漢無聲秋露多自倚白頭還縱酒偶携紅袖爲聽歌兔疑皓魄深藏窟蟾惜清光旋入河悵望桂輪今夕滿莫令尋斧近嫦娥

絡角

羅隱七夕詩絡角星河菑菑天

十六夜

花殘燭暗坐深更午夜依然是玉京急雨破除應有

初學集詩註

卷第十五

七

意微雲點綴亦多情露描翠黛雙蛾重風拍紅牙一串輕誰並嫦娥穿月窟桂枝深處定分明

破除

羅隱中秋夜不見月絕句陰雲薄幕上空虛此夕清光共破除只恐異時開霽後玉輪依

舊上蟾蜍

十八夜

蕭蕭風雨閣樓臺好是吳孃一曲催裙汗絳痕都未浣袖粘紅淚半成灰可憐狼籍秋光去誰復招邀月駕來傳語嫦娥亦惆悵沙才董白二妓名一時回

重題斷句八首

桂華歌斷碧雲閒薌澤猶從笑語還明月西沉人亦

散只留秋雨伴空山

桂華歌

樂府桂華曲白居易蘇州所作蘇之東城古吳都城也今爲樵牧場有桂一株生干

城下惜其不得地而作歌音韻怨切聽輒動人

水雲烟樹半依稀紅袖雙雙下翠微更向碧天歌一曲無人不道月中歸

曲宴清歌三五期離筵恰是月殘時生憎一片中秋月又縮逢迎又別離

烏鵲驚飛促織催松銜半月影徘徊期君莫作今宵月一墮西巖不再廻

來如明月去如風燭滅香銷一番空何似嫦娥有行

初學集詩註卷第十五

大

止長依桂樹在蟾宮

簇簇雙蛾向別杯當風羅袖欲低廻回頭却望秋池水賸有紅蓮一朵開

意錢才罷又迷藏馬髻弓腰百樣狂月下風前難忘却留他別後細思量

意錢

後漢書梁統傳梁冀能意錢之戲何承天纂文曰詭億一曰射意一曰射數即攤錢也

弓腰

殷成式酉陽雜俎元和初有一士人醉卧廳中醒見古屏上婦人悉于牀前踏歌歌曰長安女兒踏春陽無處春陽不斷腸舞袖弓腰渾忘却蛾眉空帶九秋霜其中雙鬟者問曰如何是弓腰歌者笑曰汝不見我作弓腰乎乃反首

及地勢如規焉士人驚懼化之忽然上屏
霜林紅葉趁裙紅屈指停車十月中安得天公肯攢

簾便禁丹桂作丹楓

聽青琴理弦子

小牖紅燭淚盈盈。絃索初調。撚撥清彈。到西風黃葉處。青琴指下。泛秋聲。

撚撥

琵琶錄曹綱運撥如風雨。裴興奴長于擺撥。人謂綱有右手。奴有左手。

瑤臺歌

蔣家女兒字瑤臺。瑤草瓊花天上來。月地雲堦擅芳澤。輕紅澹粉隨塵埃。桂梁蘭室盧家婦。流黃機畔長相守。自矜容髻在花前。不管年華歸燕後。郎從何處悅傾城。鄭重停車問小名。未開繡戶心先許。木捲珠

初學集詩註 卷第十五

九

簾。目已成。江城霾風海雲黑。郎逐銀錨去京國。齊女

猶傳馬角生。

齊女墓在虞山東嶺。其上有亭。俗云馬頭生角。

燕姬浪說烏頭

白。祗憑片語斷姻緣。約畧歸期好判年。春草茫茫如妾思。秋衾昔昔在郎邊。相思難避如逃瘡。一味交無是良藥。判無棺木待儂開。留取衫裙與歡著。生憎女伴笑孤眠。不憤旁人說可憐。預愁妾老勤臨鏡。暗祝

郎歸恰數錢。烏啼夜半報郎歸。及至歸時聲影稀。三春花鳥成遼闕。經歲音書果是非。傳郎三心復兩意。賤妾何妨自捐棄。又恐人言是鬼言。翻令好事成虛事。郎心妾意兩蹉跎。似夢如風可若何。拂水山高並

巫峽琴川河水即天河。橫斜昏復曉。若比郎心
還易了。空將求匹問蠶絲。苦恨爲媒憑鴉鳥。一朝決
絕不繇人。空裏游絲路上塵。酒雖然付溝水。亦腸
終自轉車輪。爲郎碎却圍棋局。拋擲絲絃罷度曲。空
局應知無見期。急絃更恐憂思促。阿誰傳語到狂夫。
河水東西剪得無。已分一身非白璧。長垂雙淚抵明
珠。小牕夜聽青琴謔。四壁吟蛩助妻切。漏滴銅壺恨
正長。淚燒紅燭心猶熱。我聞瑤去每沉吟。秋燕春花
總不禁。豈知石闕悲啼處。辜負山枝感悅心。却過盧
家舊亭館。粉紅暈碧空。凌亂檐前楊柳。故低垂簾外。

初學集詩註

卷第十五

三

鸚哥還錯喚。聞君住近斷橋頭。莫過西陵古驛樓。鑑
曲荷花今已盡。濤江風浪使人愁。姝與東家莫酸楚。
一船兩漿誰迎汝。况復羅敷自有夫。難道息媿終不
語。好在瑤臺月下時。且翻新曲唱歌辭。憑將懷袖三
年字也寄廻文一首詩。

逃瘧

賓退錄世人瘧疾將作謂可避之他所自唐

力逃瘧

功然高力士流巫州李輔國授謫制時力士

臣閣下

文無崔豹古今注相招名贈以棺木今

樂錄宋少帝時南徐一士子從華山畿往雲陽見
容舍女子悅之無因遂感心疾具以啓母母爲至
華山尋訪見玄具說聞感之因脫蔽膝令母安置
其席下臥之當少日果差忽舉席見蔽膝而抱
持遂吞食而死氣欲絕謂母曰葬時車載從華山
度母從其意比至女門牛不肯前打拍不動女日

且待須臾裝點沐浴既而出歌曰華山巖君既為
僕獨活為誰施歡若見隣時棺木為僕開棺應
聲開女透入棺乃衫襦樂府上聲歌襦襦與郎着
合奏號曰神女冢反繡時貯稟汗汗莫滅樂
持許相琴川范成大吳郡志常熟世傳一石闕樂
存名琴川木絃歌之說故也石闕府
讀曲歌石闕生口息媿左傳莊公十四年楚子滅
中衙碑不得語息媿息以息媿歸生堵敖及成
王焉未言楚子問之對曰吾一婦
人而事二夫縱弗能死其又奚言

九日寄華州郭膺伯

江東渭北相望處一鴈南來見汝情書劍可憐秦逐
客衣冠空羨魯諸生梯山每笑邀天博劈華真愁與
地爭素澹登高安穩未干戈猶傍國西營

梯山

韓非子外儲說左上篇秦昭王今王施鉤梯
而上華山以松栢之心為博箭長八尺綦長

初學集詩註

卷第十五

三

八寸而勒之日昭王嘗與天神博于此矣
色瀟澹二水名也少陵瀟澹素澹李善曰玄素水
九日詩登高素澹源

長筵歌為籛後人稱壽君以九月二十七日生

後余誕辰一日

與君俱是神仙後君方渥顏我皓首與君排日作生
辰長筵齊醉洞庭春君不見昌門甲第烟流瓦賀客
駢闐奉玉尊共羨養雛成大鶴更期官貴施行馬前
堂伐鼓吹笙簫後堂度曲調清絲玄霜舊藥冷雲母
玉樹新聲付雪兒又不見漁灣老人散髮眠寂寞山
中草木年計口却添喂鶴料浮家長傍釣漁舫田家

瓦盆起爲壽鄰翁爭席時被肘黃花滿地開金錢霜
葉千林點紅袖人生但解逍遙意大鵬尺鷃何曾異
揮金何處買蕭閒秉燭祗應辨游戲祝君長把菊花
杯歲歲高歌獻壽詩莫學彭翁年八百繫腰觀井受
人嗤

洞庭春

東坡洞庭春色詩序安定郡王以黃柑釀酒謂之洞庭春色香味三絕

李商隱陳後宮詩茂苑城如畫閨門瓦欲流

被肘少陵田父泥飲詩高聲索果栗欲起時被

于廣文挽詩

巷蓋成陰戶屢連餘尊北牖尙依然未應夫子乘槎

初學集詩註卷第十五

三

去還道先生枕麴眠廷尉門高猶駟馬廣文官冷自

寒醞一杯准擬招寬處只在梅花古澗邊

枕麴眠

劉伶酒德頌枕麴籍糟東坡和孔宗翰詩定知來歲中秋月又照先生枕麴眠

送黃二子羽令新都

萬里星橋路之官亦壯哉勒銘看劍閣爲政想琴臺

鳥覩子今在蠶叢自古關經過襄漢地爲訪卧龍才

星橋

樂史寰宇記萬里橋在益州南二里星橋之二

知爾彈琴日高齋雪嶺前質成休訟芋絃誦壓啼鵑

花鳥新詩句菖蒲小樣箋好將官製錦同卷寄吳舩

雪嶺

大明一統志成都西山在府城西一名雪嶺杜甫詩雪嶺界天白 訟芋王維送梓

州李使君詩漢女思賔布巴人訟芋田大明一統志何隨鄭縣人初仕蜀為安漢令蜀亡去官時巴土饑送吏取民芋以自給隨以綿繫其處償直民視芋見謁相與語曰聞何安漢清廉必此人也

陳眉公挽詞

怨鶴啼猿共泣然少微星象隱江天買山空復推支遁蹈海何當識魯連載酒人過楊子宅澆花自掃秣陵阡雲間老父如嵩少尚說汾陰望辛年

父老

僧文瑩湖山野錄真宗西祀回蹕次河中時長安父老三十人具表詣行在乞臨幸上意

未果名种放决之放奏有不便者三上翼日傳旨還闕便欲邀放從駕至京放乞還山林上曰非久必當各卿

歲暮雜懷八首

初學集詩註

卷第十五

三

十畝之間一老民衰遲自分百年身未舒岸柳應愁我欲放江梅又笑人故紙丹鉛譬腐骨虛牕燈火勸窮塵空山一笑無人會落木蕭蕭下水濱

腐骨

通鑑肅宗與李泌語及李林甫欲勅諸將克長安發其冢焚骨揚及泌曰陛下方定天下

奈何譬死者彼枯骨何知使示聖德之不別耳柳子厚陸文通墓表黨枯竹護朽骨以至干父子傷夷君臣詆背者前世多有之

殘年樂事總迷離似病如魔我自知謝客且為無事飲過江聊作有情癡花間歌好聞鶯處柳外粧殘墮馬時寂寞紙牕書几夜寒燈一穗雨如絲駘蕩春心老更癡渾如中酒落花時天桃贏得看人

面衰柳何妨惹鬢絲。小院光風歸緩後。大堤明月上遲遲。早梅又恐經寒勒。急倩高樓玉笛吹。

寂歷蓬門啓曙烟。層頭簡盡轉蕭然。殺青事業修山史。垂白生涯種石田。呼婦鳩諧求屋計。養雛鶴算賣文錢。閒房日暮松風裏。卧聽青琴撥五絃。

續鳧斷鶴枉人謀。萬事終輸鬼一籌。薇省風催紅藥晚。槐廳響斷白楊秋。南部新書云。槐夜有絲竹之音。則省中有入相者。俗謂之音聲。侯鯖染指慚調曲。任鈞驚心笑曲鈞。日暮山陽何處是一聲。羌笛起漁舟。

處是一聲羌笛起漁舟。

一籌朝野僉載楊纂怒尹君不同外。遂命筆曰。纂輸一籌。太宗聞而笑曰。朕用楊纂。聞義伏輸。

初學集詩註 卷第十五

言

一籌朕伏得幾籌

藏舟夜半事茫茫。北斗南箕盡可傷。無復舊交論罕

國。空令新詠削山王。沙堤路畔看京尹。杜詩。府中羅舊尹。沙道尚。

依然唐京尹多宰相。私人今取為擁戴之譬。武庫境前葬智囊。淵明詩云。一旦百歲。

後相與選北。伊智如樗里能知兩天。子之官交我墓而終不免于一邱也。鼓枻放歌餘我

在釣魚灣水卽滄浪。

罕國劉孝標廣絕交論。罕生逝而國子悲。李善曰。罕生子皮。國子子產也。左氏傳曰。子產聞子皮卒哭。且曰。吾已無為。山王宋書。顏延年傳。延年

為善。嗟夫子知我也。領步兵。延年怨憤。作

湛言于彭城。王義康出為永嘉太守。延年怨憤。作

五君詠以述竹林七賢。山濤王戎以貴顯被黜。武庫史記。樗里子傳。樗里子者。名疾。滑稽多智。秦人號曰智囊。昭王七年卒。葬于渭南章臺之

東日後百歲是當有天子之宮夾我墓至漢興長樂宮在其東未央宮在其西武庫正直其墓

卒歲閒門有雀羅。流年徂謝意如何。看花伴侶青春少。種菜英雄白首多。佩劍定須懸舊壘。明珠只合換

新歌。劇憐渭水垂綸叟。未應非熊鬢已皤。

濠泗居庸王氣全。玉衣石馬自千年。賊流關陝如遺

跡。入高麗且息肩。誰使。蟠漢地。忍同戎。戴

唐天。延登受策安危在。贏得菰蘆坦腹眠。

石馬 安祿山事蹟潼關之戰我軍既敗賊將崔乾祐領白旂引左右馳突我軍視之狀若神鬼

又見黃旂軍數百隊官軍潛謂是賊不敢逼之須臾又見與乾祐鬪黃旂軍不勝退而又戰者不一

俄不知所在後昭陵奏是日靈宮前石人馬汗流唐會要上欲開揚先帝徽烈乃令匠人琢石寫諸

初學集詩註 卷第十五

蕃君長十四人列于陵司馬北門又刻石為常所乘馬六匹于闕下也

已卯除夕偕孟陽守歲崇德郁振公吳可黃二

先輩俱集

盍簪列炬草堂前。管領梅花又一年。歲晚樵蘇漁釣

侶。夜深燈火孝廉船。流光颯沓將過客。世事朦朧欲

曙天。却喜鄰僧相慰問。朝來新送佛燈錢。

管領 放翁看梅絕句幽香着人索管領不信如今鐵石心

